

四庫全書

史部

欽定四庫全書

史部

御批資治通鑑綱目卷二十

詳校官修撰臣錢棨

編修臣程嘉謨覆勘

總校官降調編修臣倉聖脉

校對官檢討臣郭寅

謄錄監生臣許祖懷

欽定四庫全書

御批資治通鑑綱目卷二十

起戊戌晉成帝咸康四年凡二十二年
盡己未晉穆帝升平三年

戊戌四年

趙建武四年○成改號漢中宗李壽漢興元年
○代高祖什翼犍建國元年○舊大國一漢涼

小國二新小國
一凡四僭國

春趙王虎燕王皝合兵攻段氏破之虎

拔令支悉取其地

趙王虎擊段遼使挑豹等將舟師十萬出漂渝津支
雄等帥步騎七萬為前鋒皝王皝引兵攻掠令支以
北段遼將追之慕容翰曰今趙兵在南當併力禦之
而更共燕闢萬一失利何以禦南敵乎段遼怒曰吾

前為卿所誤以成今日之患今不復墮卿計中矣乃
悉衆退之孰設伏邀擊大破之掠五千戶而歸虎進
屯金臺支雄長驅入薊遼所署漁陽上谷代郡守相
皆降取四十餘城北平相陽裕帥數千家登燕山以
自固諸將恐其為後患欲攻之虎曰裕儒生矜惜名
節恥於迎降耳無能為也遂過之至徐無遼不敢復
戰棄令支奔密雲山慕容翰奔宇文氏虎入令支宮
徙二萬餘戶於司雍充豫四州士大夫之有才行者
皆擢叙之陽集覽令支縣名屬遼西郡顏師古曰令
裕詣軍門降集覽去聲支音抵徐無注見漢獻帝初
年平四質實漂渝津未詳處所一統志云今支漢之縣
名屬遼西郡北齊屬北平郡又折置新昌
縣隋開皇中省肥如入新昌後為盧龍郡治唐武德
初移平州治此改為盧龍縣遼金元俱仍舊本朝因
之改屬永平府金臺即黃金臺在順天府東南一十
六里又一曰小金臺在府東南一十五里按燕昭王

於易水東南築黃金臺延天下士後人慕其好賢之名亦築臺於此為京師八景之一名曰金臺夕照薊縣名注見漢帝玄更始二年燕山在順天府玉田縣西北二十五里自西山一帶迤邐東延袤數百里抵海岸密雲山在順天府密雲縣南一十五里亦名橫山昔燕趙伏兵於此大獲遼衆

夏四月成李壽弒其主期而自立改國號漢

成主期驕虐日甚多所誅殺大臣多不自安尤忌漢王壽威名使出屯浩壽懼不免每當入朝常詐為邊書辭以警急初巴西處士龔壯父叔皆為李特所殺壯欲報仇積年不除喪壽數以禮辟之壯不應而往見壽壽問自安之策壯曰蜀民本皆晉臣節下若能發兵西取成都稱藩於晉則福流子孫名垂不朽豈徒脫今日之禍而已壽然之遂襲成都壽世子勢為翔軍校尉開門納之遂克成都屯兵宮門奏殺大臣

數人縱兵大掠數日乃定矯太后任氏令廢期為縣
公幽之期縊而卒羅恒解思明等勸壽如壯策壽用
任調等言遂自稱帝改國號曰漢尊父驤帝號更以
舊廟為大成廟後竟盡殺成主雄諸子以安車束帛
徵龔壯為太師壯誓集覽節下猶言閣下足下也大
不仕贈遺一無所受集覽將軍持節以專殺欲與言
者不敢指斥須呼其在節下侍者質實涪縣名注見
執事者先與之言因卑達尊之意漢獻帝建安
十六年巴西郡名注
同上建安十九年

五月趙王虎擊燕不克燕慕容恪追擊大敗之

趙王虎以燕不會攻段遼而自專其利伐之又遣使
出招誘民夷得三十六城遂進逼棘城訖欲出亡帳
下將慕容興根諫曰趙彊我弱大王一舉足則趙之氣
勢遂成不可復敵矣今固守堅城其勢百倍事之不

濟不失於走奈何望風委去為必亡之理乎說乃止
然猶懼形於色玄菟太守劉侃曰事之安危繫於一
人大王當自彊以厲將士不宜示弱事急矣臣請出
擊之縱無大捷足以安眾乃將敢死數百騎出衝趙
兵所向披靡斬獲而還於是士氣自倍說意乃安振
等晝夜力戰凡十餘日趙兵不能克而退說遣其子
恪帥二千騎追擊之趙兵大敗斬獲三萬餘級諸軍
皆潰惟游擊將軍石閔一軍獨全閔本姓冉虎養以
為子驍勇善戰多策畧虎愛之凡諸孫虎還鄴蒲洪
以功拜都督六夷諸軍事閔言於虎曰洪雄雋得將
士死力諸子皆有非常之才且握彊兵據近畿宜密
除之以安社稷虎曰吾方倚其父子以取吳蜀奈何
殺之待之愈厚說分兵討諸叛城皆下之誅滅甚眾
虎遣曹伏將青州之眾戍海島運糧三百萬斛以給
之又以船三百艘運穀詣高句麗使王典帥眾
萬餘屯田海濱又令青州造船千艘謀復擊燕

海島韋昭曰海中山有依止曰島今海州東海縣有島山去岸八十里

質實

玄菟郡名注見漢武

帝元封二年披靡注見宋順帝昇明三年一統志云海島即高公島也在淮安府海州城東八十里舊傳

有高公嘗漁

于此故名

趙冀州大蝗

趙冀州八郡蝗司隸請坐守宰趙王虎曰此朕失政所致而欲委咎守宰豈罪己之意邪司隸不進讜言佐朕不逮而欲妄陷無辜可白衣領職

質實

張九韶曰漢置冀州治趙郡所領魏郡鉅鹿常山清

河廣平真定中山信都河間趙國十郡晉因之今言八郡者特舉被蝗者而言也

以司徒導為太傅都督中外諸軍事郝鑒為太尉庾亮

為司空六月更以導為丞相罷司徒官

導性寬厚委任諸將趙胤賈寧等多不奉法大臣患之亮與鑒牋曰主上自八九歲以及成人入則在宮人出手出則唯武官小人讀書無從受章句顧問未嘗遇君子秦政欲愚其黔首天下猶知不可況欲愚其主哉人主春秋既盛不稽首歸政甫居師傅之尊多養無益之士公與下官並荷託付大姦不掃何以見先帝於地下乎欲共起兵廢導鑒不聽或勸導密為之備導曰吾與元規休戚是同悠悠之談宜絕智者之口即如君言吾便角巾還第復何懼哉孫盛諫亮曰主公常有世外之懷豈肯為凡人事耶此必佞邪之徒欲間內外耳亮乃止是時亮雖居外鎮而遙執朝權既據上流擁彊兵趣勢者多歸之導內不能平嘗遇西風塵起舉扇自蔽徐曰元規塵汚人○導以李充為掾充以時俗崇尚浮虛嘗以為老子絕仁

棄義蓋患乎懷仁義者寡而利仁義者衆耳而凡人見形迹迹離本逾遠乃作學箴以祛其蔽曰名之攸彰道之攸廢乃損所隆乃崇所替非仁無以長物非義無以齊恥仁義固不可遠去其害仁義者而已

質實

元規庾亮表字孫盛
太原人李充汝南人

秋漢霖雨

蜀中久雨百姓饑疫漢主壽命羣臣極言得失龔壯上封事曰陛下起兵之初上指星辰昭告天地歆血盟衆舉國稱藩天應人悅大功克集而論者未諭推宜稱制今淫雨百日饑疫並臻天其或者將以監示陛下故也愚謂宜遵前盟推奉建康彼必不愛高爵重位以報大功雖降階一等而子孫無窮永保福祚不亦休哉壽省書

質實
建康郡名注見漢獻帝興平二年

冬十月光祿勳顏含致仕

顏含以老遜位時論者以王導帝之師傳百僚宜為降禮太常馮懷以問含含曰王公雖貴重禮無偏敬降禮之言或是諸君事宜鄙人老矣不識時務既而告人曰吾聞伐國不問仁人向馮祖思問佞於我我豈有邪德乎郭璞嘗欲為之策含曰年在天位在人脩已而天不與者命也守道而人不知者性也自性命無勞著龜致仕二質實顏含琅瑯草人祖思馮十餘年年九十三而卒懷表字著龜注見漢昭帝元鳳元年伐國不問仁人注見漢明帝永平二年

書法

自漢書丞相賢致仕宣帝地節三年是後歷東漢僅一書和帝永元十三年於是復見美

知止也終綱目書致仕二
十二詳宣帝地節三年

代王翳槐卒弟什翼捷立考異

立當作嗣

代王翳槐之弟什翼捷質於趙翳槐疾病命諸大人立之翳槐卒諸大人以什翼捷在遠來未可必謀立次弟孤孤不可自詣鄴迎什翼捷請身留為質趙王虎義而俱遣之什翼捷即位於繁時北分國之半以與孤代自猗盧卒國多內難部落離散什翼捷雄勇有智畧能脩祖業始置百官分掌衆務以代人燕鳳為長史許謙為郎中令制反逆殺人姦盜之法號令明白政事清簡無繫訊連逮之煩百姓安之於是東自濊貉西及破落那南距陰山北盡沙漠率皆歸服有衆數十萬人**集覽**連逮秦皇本逮索隱曰逮及也謂連及俱被捕破**質實**繁時縣名落那西域國都貴山城在疏勒西北**注見懷帝永嘉四年燕鳳代人濊貉東夷國名注見新莽始建國五年陰山注見秦王政三年沙漠注見漢獻帝建**

安二十
五年

十二月趙遣兵迎段遼燕慕容恪擊敗之以遼歸殺之

段遼自密雲山遣使求迎于趙既而中悔復遣使于
燕趙王虎遣麻秋帥衆迎之敕秋曰受降如受敵不
可輕也燕王皝亦自將迎遼密與燕謀覆趙軍皝
遣恪伏精騎於密雲山大敗秋兵獲其司馬陽裕盡
得遼衆待遼以上賓之禮以裕質實一統志云密雲
山在順天府密
雲縣南十五里亦名橫山昔
燕趙伏兵於此大獲遼衆

書法

遼嘗書弑君矣不書誅何殺不以其罪也故
雖有罪而殺之不以其罪綱目一以殺書之

己亥

五年

趙建武
五年

春三月庾亮表請伐趙詔諭止之

亮欲開復中原表以桓宣鎮襄陽弟懌鎮魏興翼鎮江陵毛寶樊峻戌郢城上疏欲帥大衆十萬移鎮石城遣諸軍羅布江沔為伐趙之規帝下其議丞相導請許之太尉鑒議以為資用未備不可大舉太常蔡謨議曰時有否泰道有屈伸苟不計彊弱而輕動則亡不終日何功之有為今之計莫若養威以俟時時之可否繫胡之彊弱胡之彊弱繫虎之能否自石勒舉事虎常為爪牙百戰百勝遂定中原勒死之後虎挾嗣君誅將相內難既平剪削外寇四境之內不失尺寸以是觀之虎為能乎將不能也今征西欲自將大軍席卷河南虎必親帥其衆來決勝負欲與之戰何如石生若欲城守何如金塘欲阻沔水何如大江欲拒石虎何如蘇峻石生猛將關中精兵征西之戰殆不能勝也金塘險回劉曜十萬衆不能拔又當是時洛陽關中皆舉兵擊虎今此二鎮反為其用方之於前倍半之勢也石生不能敵其半而征西欲當其

倍愚所疑也蘇峻之彊不及石虎汧水之險不及大江大江不能禦蘓峻而欲以汧水禦石虎又所疑也昔祖士雅在譙佃於城北界豫置軍屯以禦其外穀熟胡至丁夫戰於外老弱獲於內多持炬火急則燒穀而走如此數年竟不獲利當是時胡唯據河北方之於今四分之一耳士雅不能捍其一而征西欲以禦其四又所疑也然此但論征西既至之後耳尚未論道路之慮也自汧以西水急岸高魚貫汧流首尾百里若胡無宋襄之義及我未陣而擊之將如之何今王土與胡水陸異勢便習不同胡若送死則敵之有餘若棄江遠進以我所短擊彼所長懼非廟勝之算也朝議多與謨同乃詔亮不聽移鎮

集覽

宋襄之義公羊傳僖二十二年宋公及楚人戰于泓楚人濟泓而來有司復曰請迨其未畢濟而擊之公不可曰君子不厄人既濟未畢陳有司復曰請迨其未畢陳而擊之公曰不可君子不鼓不成列已陳然

後襄公鼓之宋師大敗故君子大其臨大事而不忘大禮以為雖文王伐崇之戰亦不過此廟勝之筭注

見漢宣帝實實魏興郡名注見漢後主建興八年西神爵元年城一統志云郾城在黃州府城西北

一百二十里楚宣王伐郾俘其民徙其君居此城故名漢衡山王吳芮嘗都之今名舊州城石城山名在

汝寧府信陽州東南五十里山極高峻與義陽山相接史記魏攻冥阮即此山也沔水注見漢獻帝建安

十二年漢沔金塘城名注見魏元帝咸熙二年征西謂庾亮也士雅祖逖表字譙縣名注見漢獻帝建安

十五年魚貫鄧艾傳士卒魚貫而進注謂魚上水首尾相銜也

書法

詔止之矣其書伐趙何予亮也自五胡雲擾江沱宴安數世矣於是能有能以開復中原為

心者綱目之所予也自是庾翼褚裒司馬勲殷浩雖皆無成而書伐趙者四北伐者一皆所以示中

國復讐之義為臣
子徇國之勸也

代王什翼健求昏於燕

什翼健會諸大人議都澠源川其母王氏曰吾自先
世以來以遷徙為業今國家多難若城郭而居一旦
寇來無所避之乃止什翼健求

集覽

澠源川澠水出
鴈門郡凌靡縣

質實

一統志云澠水源出大同府馬邑縣西北洪濤
山即桑乾河之源也漢書謂之治水水經謂之

潦涓
是也

秋七月丞相始興公王導卒以何充為護軍將軍庾冰
為中書監揚州刺史叅錄尚書事

尊簡素寡欲善因事就功雖無日用之益而歲計有餘輔相三世倉無儲穀衣不重帛初導與庾亮共薦丹陽尹何充於帝且曰臣死之日願引充內侍則社稷無虞矣及導薨詔喪葬參用天子之禮謚曰文獻徵庾亮為丞相亮固辭遂以充及亮弟冰參錄尚書事冰經綸時務不舍晝夜賓禮朝賢升擢後進由是朝野翕然擢為賢相初導輔政每從寬恕至冰頗任威刑丹陽尹殷融諫之冰曰前相之賢猶不堪其弘況如吾者哉范汪謂冰曰頃天文錯度足下宜盡消禦之道冰曰玄象豈吾所測正當勤盡人事耳又隱實戶口料出無名萬餘人以充軍實冰好為糾察近於繁細後益矯違復存寬縱疎密自由律令無用矣

集覽

料出史記周宣王料民於太原注料數也

質實

始興郡名注見愍帝建興三年丹陽郡名

注見漢獻帝興平二年何充潛人

八月改丞相為司徒○大尉南昌公郝鑒卒以蔡謨都

督徐兗軍事考異

兗下渦州字

鑒疾篤上疏曰臣所統錯雜率多北人遷徙新附皆有歸本之心臣宣國恩示以好惡處與田宅漸得少安聞臣疾篤衆情駭動若當北渡必啟寇心太常臣謨平簡貞正素望所歸可為徐州鑒薨即以謨代之時左衛將軍陳光請伐趙詔遣攻壽陽謨上疏曰壽陽城小而固又王師在路五十餘日前驅未至聲息久聞賊河北之騎足以來赴况停船水渚引兵造城前對堅敵顧臨歸路此兵法之所識也今光所將皆殿中精兵以國之爪士擊寇之下邑得之則利薄而不足損敵失之則害重而足以益寇非長策也乃止

質實

南昌縣名注見漢成帝永始三年壽陽郡名注見秦王政六年

九月趙人入寇攻沔南及邾城陷之

初陶侃在武昌議者以江北有邾城宜分兵戍之侃每不荅而言者不已侃乃渡水獵引將佐語之曰我所以禦寇者長江耳邾城隔在江北內無所倚外接羣夷夷中利深晉人貪利夷不堪命必引虜入寇此乃致禍之由也若羯虜有可乘之會又不資於此矣至是庾亮使毛寶樊峻戍之趙王虎遣夔安等將兵數萬入寇敗晉兵殺五將軍以二萬騎攻邾城寶求救於亮亮不時遣沔南邾城皆陷寶峻突圍赴江死安進寇江夏義陽皆降進圍石城竟陵太守李陽拒擊敗之乃退時亮猶欲遷鎮聞邾城陷乃止

集

覽

邾城今黃州是春秋楚宣王滅邾徙其君於此因名邾城石城寔宇記云石城在義陽軍東南五十

五里山極高峻史記魏攻寔阨蓋謂質實武昌郡名此也按義陽即郢州也今信陽軍是質實注見漢後

主建興七年義陽郡名注見梁武帝太清二年竟陵郡名注見元帝建武元年邾城注見咸康四年

趙以李巨為御史中丞
趙王虎患貴戚豪恣乃擢巨為中丞中外肅然虎曰朕聞良臣如猛虎高步曠野而豺狼避路信哉

漢殺其臣李演

羅恒解思明復議奉晉漢主壽不從李演復上書言之壽怒殺演壽常慕漢武魏明之為人恥聞父兄時事上書者不得言先世政教自以為勝之也

冬燕王皝遣長史劉翔來獻捷

燕王皝自以稱王未受晉命遂遣長史劉翔來獻捷論功且言權假之意并請刻期大舉共平中原皝又

使其子恪霸擊字文別
部霸年十三勇冠三軍

張駿立辟雍明堂質實

辟雍注見漢成帝綏和元年明堂注見漢武帝建元元年

書法

書譏也何譏辟雍天子之學明堂王者之堂豈臣子所得為哉書曰張駿立辟雍明堂而

貶義自見矣

庚子

六年

趙建武六年

春正月司空庾亮卒以何充為中書令

庾翼都督江荆等軍州事考異

提要作州軍當從提要

時人疑翼年少不能繼其兄翼悉心為治戎政嚴明數年之間公私充實人皆稱其才

慕容翰自字文部歸於燕

宇文逸豆歸忌翰才名翰乃陽狂乞食舉國賤之不復省錄以故得往來自遂山川形便皆默記之燕王就以翰因猜嫌出奔雖在他國常潛為燕計乃遣商人王車通市於宇文部以迎之翰遂竊逸豆歸名馬携其二子逃歸就大喜厚遇之

書法

書予之也曷為予之不忘本也猶有宗國之心焉

有星孛于太微 ○三月代始都雲中質實

雲中郡名注見秦王政三

年 ○秋漢大閱於成都

趙王虎遺漢主壽書欲連兵入寇中分江南壽大喜集士卒為舟師大閱於成都龔壯諫曰陛下與胡通孰若與晉通胡豺狼也既滅晉不得不北面事之若與爭天下則疆弱不敵危亡之勢也羣臣亦皆叩頭

泣諫壽乃止壯以為人之行莫大於忠孝既報父叔之仇又欲使壽事晉壽不從乃詐稱耳聾辭歸以文籍自娛終身不復至成都

書法

書漢大閼何志龔壯也李壽可謂不量力矣書大閼始此綱目書大閼二書講武三詳漢

靈帝中平五年皆譏也

冬趙大發兵以伐燕燕人襲之入趙高陽趙師還

趙王虎合兵五十萬具船萬艘自河通海運穀千一百萬斛于樂安城徙遼西北平漁陽萬餘戶于兗豫雍洛自幽州以東至白狼大興屯田括取民馬取匿者腰斬凡得四萬餘匹大閼於宛陽欲以擊燕燕王軌曰虎自以樂安城防守重復薊城南北必不設備今若詭路出其不意可盡破也遂帥諸軍入自蠡蠡

塞直抵薊城破武遂津入高陽所至焚集覽樂安郡
燒積聚畧三萬餘家而去趙兵乃還

南路棣質實一統志云樂安城在濟南府臨濟鎮東
州是質實八十里漢千乘郡治此東漢更今名武

遂津在保定府安肅縣西二十五里薊縣名注見
漢帝立更始二年高陽郡名注見愍帝建興四年

趙命其太子宣及弟韜迭省尚書奏事

趙王虎以韜為太尉與宣迭日省可尚書奏事不復
啟白司徒申鍾諫曰太子職在視膳不當預政庶人
遂覆車未遠也且二政分權鮮不階禍愛之不以道
適所以害之也虎不聽中謁者令申扁有寵於虎宣
亦昵之使典機密虎既不省事而宣韜皆好酣飲
獵由是除拜生殺皆決於扁自九卿以下望塵而拜
集覽太子職在視膳記文王世子篇食上必在視寒
煖之節食下問所膳左傳閔二年晉里克曰太

子奉冢祀社稷之案盛以朝夕視君膳者也庶人窳覆車未遠事在三年

書法

太子省事非古也前書趙太子弘矣於是宣與弟韜逃省是二太子也兄弟相屠之禍始

此矣故
書譏之

漢遣使如趙趙人報之

漢主壽致書於後趙王虎署曰趙王石君虎不悅中書監王波曰壽既僭大號今以制詔與之彼必酬返不若復為書與之會挹婁國獻楷矢石磐於趙波因請以遺漢曰使其知我能服遠方也虎從之遣漢亡將李閔歸報閔至成都壽下詔曰羯使來集覽挹婁庭貢其楷矢虎聞之怒黜波以白衣領職集覽東夷種名古肅慎氏國也在扶餘東北楷矢石磐家語孔子在陳有隼集于陳侯之庭而死楷矢貫之石磐長

尺有咫惠公使人問孔子子曰此肅慎氏之矢古者
分異姓以遠方職貢故分陳以肅慎氏矢焉韋昭曰
楷木可為矢韋音奴又音弩質實一統志云挹婁國
古肅慎之地在混
鐵楷音戶弩音奴又音弩
同江之東後漢謂之挹婁元魏謂之勿吉隋初曰黑
水靺鞨唐初渠長阿固郎始來朝後乃臣服開元中
以其地為燕州置黑水府其後粟末靺鞨強盛號渤
海黑水皆役屬之又其後渤海浸弱為契丹所攻黑
水復擅其地即金鼻祖之部落也初號女真後避遼
興宗諱改曰女直臣屬於遼部族散居山谷至阿固
達始大易部建國曰金滅遼設都於渤海上海陵
陵改為會寧府金亡歸元以其地曠闊人民散居設
軍民萬戶府五鎮撫北邊曰屯河曰呼爾哈曰烏圖
哩曰托果琳曰布固江分領混同江南北碩達勒達及
女直之人有海蘭府碩達勒達等路以總攝之迨入本
朝悉境歸附自開原迤北因其部族所居建置都司

衛所官其酋長為都督都指揮指揮千百戶鎮撫等職給與印信俾仍舊俗各統其屬以時朝貢

辛丑 七年

趙建武七年

春正月燕築龍城

燕築城於柳城之北龍山之西立宗廟宮闕命曰龍城

質實

柳城縣名注見漢獻帝建安十二年

一統志云龍山在永平府西四十里

二月朔日食○封慕容皝為燕王

劉翔至建康帝引見問慕容鎮軍平安對曰臣受遣之日朝服拜章翔為覲求大將軍燕王章璽朝議以為故事大將軍不處邊異姓不封玉翔曰自劉石搆亂長江以北剪為戎藪未聞中華公卿之胄有能摧破凶逆者也獨慕容鎮軍心存本朝屢殄彊敵使石虎畏懼蹙國千里功烈如此而惜海北之地不以為

封邑何哉吾非苟尊所事竊惜聖朝疎忠義之國使
四海無所勸慕耳尚書諸葛恢翔之妙夫也獨主異
議以為夷狄相攻中國之利惟罷與名不可輕許乃
謂翔曰借使慕容鎮軍能除石虎乃是復得一石虎
也朝廷何賴焉翔曰嫠婦猶知恤宗周之隕今晋室
阽危君位侔元凱曾無憂國之心慕容鎮軍枕戈待
旦志殄凶逆而君更唱邪惑之言四海所以未壹良
由君輩耳翔留歲餘衆議終不決會甄上表罪狀庾
氏兄弟又與永書責其當國不能雪恥永懼乃與何
充奏從其請以甄為大將軍幽州牧大單于燕王備
物典策皆從殊禮以翔為代郡太守翔固辭不受翔
疾江南士大夫以驕奢酣縱相尚嘗因宴集謂充等
曰四海板蕩奄踰三紀宗社為墟黎民塗炭斯乃廟
堂焦慮之時忠臣畢命之秋也而諸君宴安江沱肆
情縱欲以奢靡為榮以傲誕為賢謇諤之言不聞征
伐之功不立將何以尊主濟民乎充等甚慙乃遣使

持節冊命與翔偕北公卿餞之翔曰昔少康資一旅以滅有窮勾踐憑會稽以報彊吳蔓草猶宜早除况寇讐乎今石虎李壽志相吞噬王師縱未能澄清北方且當從事巴蜀一旦石虎先人舉事併壽而有之據形便之地以臨東南雖有智者不能善其後矣中護軍謝廣曰是吾心也

集覽

嫠婦猶知恤宗

周之隕左傳昭二十四年鄭伯如晉子太叔相見范獻子獻子曰若王室何對曰嫠不恤其緯而憂宗周之隕為將及焉注嫠寡婦也言寡婦不憂其織之無緯而惟憂周室之隕滅為恐禍將及已也宗周鎬京也有先周宗社故曰宗周詩黍離閔宗周也注自幽王之亂而宗周滅平王東遷下列於諸侯備物典策備賜威儀之物及史官書策之典使之依法書時事也板蕩注見唐太宗貞觀九年少康資一旅以滅有窮左傳襄四年晉魏絳曰夏訓有之曰有窮后羿公曰后羿何如對曰昔有夏之方衰也后羿自鉏遷于

窮石因夏民以代夏政恃其射也史記注禹孫太康
淫放為羿所逐夏人立其弟仲康仲康崩子相立羿
逐之自號有窮信用寒浞後浞殺羿襲有窮之號殺
夏帝相時相后緡方娠歸于有仍生少康有夏之遺
臣靡收斟灌斟尋二國之燼殺浞立少康時有田一
成有衆一旅卒滅有窮括地志云故鉏城在滑州衛
城縣東十里河南有窮谷蓋本有窮氏所遷也勾踐
憑會稽以報彊吳春秋吳擊越敗之夫椒越王勾踐
保棲於會稽之山乃令大夫種行成於吳吳赦越勾
踐反國後越伐吳復棲吳王夫差於姑蘇之山遷之
甬東而自殺句古侯反會稽
注見秦始皇帝三十七年
質實 諸葛恢琅邪人江
有沱之子歸注沱江之別者爾雅
曰水自河出為灘潛為潛江為沱

三月皇后杜氏崩夏四月葬恭皇后○詔正土斷白籍

質實

土斷注見武帝太康六年白籍注見漢桓帝延熹二年

○秋代築盛樂城質

實

盛樂城名注見漢後主景耀四年

○燕慕容恪鎮平郭考異

燕下漏以字

燕王皝以恪為度遼將軍鎮平郭恪撫舊懷新屢破高麗兵高麗畏之不敢入境

質實平郭城名

注見元帝太興四年

漢殺其僕射蔡興李嶷

初成主雄以儉約寬惠得蜀人心及李閔還盛稱郭中繁庶宮殿壯麗且言趙王虎以刑殺御下故能控制境內壽慕之大脩宮室人有小過輒殺以立威僕射蔡興李嶷皆坐直諫死民疲於賦役思亂者衆

壬寅八年

趙建武八年

春正月朔日食○二月豫州刺史庾懌

有罪自殺

惲以酒餉江州刺史王允之允之覺其毒飲犬犬斃
密奏之帝曰大舅已亂天下小舅復欲爾邪惲遂飲
鴆而卒
質實
庾惲鄆陵人亮之弟王允之琅邪臨沂人舒之子

夏六月帝崩琅邪王岳即位

帝幼冲嗣位既長頗有勤儉之意至是不豫或詐為
尚書符勅宮門無得內宰相衆皆失色庾冰曰此必
詐也推問果然帝二子丕奕皆在襁褓冰恐易世之
後親屬愈疎為人所間請以母弟琅邪王岳為嗣帝
許之中書令何充曰父子相傳先王舊典且今將如
孺子何冰不聽帝乃詔冰充及武陵王晞會稽王昱
尚書令諸葛恢並受顧命而崩琅邪**質實**
襁褓注見漢
邪王即位亮陰不言委政於冰充
質實
殤帝延平元

年亮陰注見漢昭帝元平元年

封成帝子丕為琅邪王奕為東海王

書法

丕奕其兄子也書成帝子何正名也然則廢為海西公者其罪不可勝誅矣

○秋七月葬興平陵以何充都督徐州軍事

帝徒行送喪至闔闔門乃升素輿既葬臨軒庾冰何充侍坐帝曰朕嗣鴻業二君之力也充曰陛下龍飛臣冰之力也若如臣議不觀升平之世帝有慙色充避諸庾出鎮京口

質實

一統志云興平陵在

應天府上元縣境內京口郡名注見成帝咸康二年

冬十月燕遷都龍城○十一月燕王皝擊高句麗入丸

都載其王釗父屍及母以歸

慕容翰言於燕王皝曰宇文屢為國患今逸豆歸篡竊得國羣情不附加之庸闔將帥非才國無防衛軍無部伍臣久在其國悉其地形今若擊之百舉百克然高句麗去國密邇必乘虛掩吾不備此心腹之患也宜先除之還取宇文如反手耳二國既平利盡東海國富兵彊無返顧之憂然後中原可圖也皝曰善高句麗有二道北道平闊南道險狹衆欲從北道翰曰虜必重北而輕南王宜帥銳兵從南道擊之出其不意九都不足取也別遣偏師出北道縱有蹉跌其腹心已潰四支無能為也皝從之自將勁兵四萬出南道以翰及慕容霸為前鋒別遣長史王寓等將兵萬五千出北道以伐高句麗其王釗果遣弟武帥精兵拒北道自帥羸兵備南道翰等先至與釗合戰皝以大衆繼之高句麗兵大敗諸軍乘勝遂入九都釗

單騎走獲其母妻會王寓等戰於北道皆敗沒孰不復窮退遣使招釗不出翰壽曰高句麗之地不足戍守今其主亡民散潛伏山谷大軍既去必復鳩聚收其餘燼猶足為患請載其父屍囚其生母而歸俟其束身自歸然後返之撫以恩信策之上也訖遂發釗父墓載其屍虜男女五萬餘口毀九都城而還集覽釗音招高句麗王之名必復鳩聚收其餘燼燼遺民也音才刃反注見宋文帝元嘉四年鳩合餘燼質實丸都城名注見漢後主延熙九年高句麗東夷國名注見新莽始建國四年

十二月立皇后褚氏

時徵后父豫章太守褚裒為侍中裒以后質實豫章人不願居中任事乃除江州刺史鎮半洲質實郡名注見漢武帝元鼎五年一統志云半洲城名在九江府城西九十里

趙作長安洛陽宮

趙王虎作臺觀四十餘所於鄴又營長安洛陽二宮
作者四十餘萬人又勅境內治南伐西討東征之計
皆三五發卒造甲者五十餘萬人船夫十七萬人公
侯牧宰競營私利百姓失業貝丘人李弘因衆怨謀
作亂事發誅之
集覽三五發卒發起也遣也三丁發
連坐者數千家
傳齊襄公田于貝丘杜預曰樂安郡博昌縣南有地
名貝丘貝博蓋反字通作涓楚世家夕發涓丘徐廣
曰在清河括地志云涓丘丘名也在青州臨淄
縣西北二十五里按樂安今隸州是屬濟南路
一統志云貝丘晉之縣名屬濟南郡即漢之般陽縣
東漢屬齊國劉宋屬清河郡北齊屬齊州隋改縣為
淄川縣唐別置淄州宋金因之元改州為般陽路以
縣為倚郭本朝改路為淄川州以縣省入尋改為淄

川縣屬濟南府鄆縣名注
見漢獻帝建安十五年

趙徵兵入寇

濟南平陵城北石虎一夕移於城東南有狼狐千餘
迹隨之迹皆成蹊虎喜曰石虎者朕也自西北徙而
東南天意欲使朕平蕩江南也其敕諸州兵明年悉
集朕當親董六師以奉天命羣臣皆賀上皇德頌者
一百七人制征士五人出車一乘牛二頭米十五斛
絹十疋不辦者斬民衛子以供猶不能給自經於道
樹者集覽親董爾雅曰董督正質實濟南郡名注見
相望集覽也郭璞注董謂御正質實漢景帝三年一
統志云平陵漢之縣名為濟南郡治所唐改縣曰全
節尋省入歷城縣故城在濟南府治東六十餘里

癸卯
康皇帝建元元年

趙建武九年

春二月高句麗王釗朝貢

於燕

燕還其父屍留母為質數年而後歸之

秋七月詔議經畧中原庾翼表遣梁州刺史桓宣伐趙

翼在武昌數有妖恠欲移鎮樂鄉王述與庾冰牋曰樂鄉去武昌千有餘里數萬之衆一旦移徙興立城壁公私勞擾又江州當沂流供給力役增倍且武昌實江東鎮戍之中非但捍禦上流而已緩急赴告駿奔不難若移樂鄉遠在西陲一朝江渚有虞不相接救方微重將固當居要害之地為內外形勢使閫闢之心不知所向昔秦忌亡胡之讖卒為劉項之資周惡壓弧之謠而成褒姒之亂是以遠人君子直道而行襁避之道皆所不取正當擇人事之勝理社稷之長計耳翼乃止翼為人慷慨喜功名不尚浮華琅邪

內史桓溫彞之子也尚南康公主豪爽有風槩翼與之友善嘗薦於成帝曰溫有英雄之才願勿以常壻畜之宜委以方邵之任必有弘濟之勲時杜乂殷浩並才名冠世翼獨弗之重也曰此輩宜束之高閣俟天下太平然後徐議其任耳浩累辭徵辟屏居十年時人擬之管葛謝尚王濛嘗伺其出處以卜江左興亡嘗相與省之知浩有確然之志既退相謂曰深源不起當如蒼生何翼請浩為司馬詔除侍中安西軍司浩不應翼遺之書曰王夷甫立名非真雖云談道實長華競明德君子遇會處際寧可然乎浩猶不起浩父羨為長沙相在郡貪殘庾冰與翼書屬之翼報曰殷君驕豪亦似由有佳兒弟故小令物情容之大較江東之政姬煦豪彊時有行法輒施之寒劣如往年偷石頭倉米一百萬斛皆是豪將輩而殺倉監督以塞責山遐為餘姚長為官出豪彊所藏二千戶而衆共驅之令不得安席雖皆前宰惛謬江東事去寔

此之由兄弟不幸橫陷此中不能拔足於風塵之外
當共明目而治之荊州所統二十餘郡唯長沙最惡
惡而不黜與殺督監者復何異邪翼以滅胡取蜀為
已任遣使約燕涼刻期大舉朝議多以為難唯永意
與之同而桓溫譙王無忌皆贊成之至是詔議經畧
中原翼欲悉衆北伐表桓宣督諸軍趣丹水桓溫為
前鋒小督帥衆入臨淮並發所統

集覽

亡胡之讖秦
六州奴及車牛驢馬百姓嗟怨

從上郡入燕人盧生奏錄圖書曰亡秦者胡也始皇
乃使蒙恬發兵北擊胡鄭玄曰胡謂胡亥秦二世名
也始皇見圖書不知胡為人名反備北胡後秦果二
世而亡檠孤之謠周本紀幽王嬖愛褒姒周太史伯
陽讀史記曰周亡矣昔自夏后氏之衰也有二神龍
止於夏庭而言曰余褒之二君也夏后布幣而策告
之龍亡而檠在擯以藏之傳三代莫敢發至厲王之
末發而觀之檠流于庭不可除王使婦人裸而諛之

聚化為玄龜入王後宮童妾遭之而孕無夫而生女懼而棄之宣王之時童女謠曰靡弧箕服實亡周國後有夫婦賣是羈者王使執而戮之夜得逃去於道聞所棄女夜啼哀而收之遂亡奔褒後褒人有罪請納此女以贖罪是為褒姒幽王見而愛之竟廢申后而立以為后故申侯怒與犬戎攻幽王而殺之驪山下韋昭曰褒姒苗反龍所吐沫也靡山桑弧弓也箕木名服矢房也索隱曰龜亦作蜃玄蜃蜥蜴也方邵之任方謂方叔周宣王卿士宣王南征命方叔為將邵本作召召穆公也名虎亦宣王卿士命伐淮夷深源殷浩字王夷甫立名非真夷甫王衍字非真不實也立虛名耳庾翼意謂殷浩不可如王衍大較猶言大畧也較訖岳反姬煦豪彊樂記曰天地新合陰陽相得煦姬覆育萬物鄭氏曰氣曰煦體曰姬煦許具反姬於具反徐氏曰煦凡甫反姬於甫反煦物覆物者天之氣姬物育物者地之體姬煦豪彊者謂豪俠

疆暴之人不加之刑法而反正誤樂鄉今按樂鄉春秋郡國之地其城

覆育之寒劣寒微劣弱之人吳陸抗所築在賈實一統志云樂鄉城名有三一在江陵松滋縣東松滋縣東七十里即吳陸抗與

羊祜對壘處一在荊門州晉安帝時置一在巴東縣治東已上俱屬荊州府庾翼鄢陵人亮之弟永之兄

南康公主成帝之女南康郡名注見梁簡文帝大寶元年管葛管謂管仲葛謂諸葛亮謝尚陽夏人鯤之

子長沙國名注見漢獻帝興平元年石頭城名注見漢獻帝建安十七年餘姚秦之縣名屬會稽郡即舜

後支庶所封以舜姓姚故名漢晉以後皆因之隋初省入句章縣唐初復置又於縣置姚州尋廢州以縣

屬越州宋仍舊元陞為餘姚州本朝復改為縣屬紹興府丹水漢之縣名屬弘農郡晉屬順陽郡後魏置

丹川郡後周郡廢故城在南陽府內鄉縣西南一百二十里臨淮郡名注見新莽天鳳五年

發明

典午南渡奄踰三紀國步多艱未遑遠畧今石虎阻兵安忍塗炭遺民方且移戈南向志

吞江表晉能不畏其強思所自立朝議稍稍振起至是詔議經畧中原雖未能一舉盪定然亦足覘其意向之所在矣揭而書之所以尊中國存正統示人以不忘克復之意其垂訓也大矣

漢主壽卒太子勢立○庾翼移鎮襄陽詔以翼都督征

討軍事庾永都督荆江等州軍事徵何充為揚州刺史

錄尚書事考異

提要無等州二字永和元年桓溫都督荆梁亦同

翼欲移鎮襄陽恐朝廷不許乃奏移鎮安陸帝遣使譬止之翼遂違詔北行至夏口復請鎮襄陽翼時有衆四萬詔加翼都督征討諸軍事遣永出鎮武昌以為繼援徵充輔政又徵褚裒為衛將軍領中書令裒

以近戚畏嫌尋復出督兖州鎮金城質實襄陽郡名注見漢獻帝建安十二年安陸縣名注見新莽

地皇二年夏口地名注見漢獻帝建安十三年武昌郡名注見漢後主建興七年兖州注見周安王五年

金城注見元帝永昌元年

書法

於是翼復請移鎮襄陽則其不書請何行而後請也開復中原綱目所予也然違詔而行

於臣節為未順矣是故先書移鎮後書詔以為都督所以微示譏焉自經畧之議既下桓宣庾翼各一出桓溫三出褚裒尚殷浩荀美諸葛攸各二出謝萬郝曇一出其間有功無罪者桓溫之討姚襄也有功有罪者桓溫之伐漢伐秦也無功無罪者桓宣庾翼褚裒之伐趙荀美郝曇之伐燕也有罪無功者謝尚之屯壽春殷浩之北伐諸葛攸謝萬之伐燕也

發明

庾翼欲移鎮襄陽帝遣使止之翼遂違詔北行卒從其請然則翼乃方命跋扈之人綱目

書之何以畧無貶詞是時晉遷江表中原淪於左社在朝諸人宴安自肆曾不以讐虜為念獨翼志在克復能以滅胡取蜀為己任是以前書詔議經畧中原繼書翼表遣桓宣伐趙今此上書翼移鎮襄陽下書詔翼都督征討是皆示其予之之意故畧其違詔之失也明乎此則知為臣者當以徇國為心為國者當以紹復為念而好攻戰務邀功者與此異矣

甲辰二年

趙建武十年○漢主李勢太和元年

春正月趙大閱罷兵

趙主虎享羣臣於太武殿有白鴈百餘集馬道之南時諸州兵集者百餘萬太史令趙攬曰白鴈集庭宮室將空之象不宜南行虎乃臨宣武觀大閱而罷

燕主皝擊滅宇文部逸豆歸走死皝還殺其兄翰

燕主皝與左司馬高詡謀伐宇文逸豆歸詡曰伐之必克然不利於將出而告人曰吾往必不返然忠臣不避也於是皝自將以慕容翰為前鋒逸豆歸遣南羅大涉夜干將兵逆戰皝遣謂翰曰涉夜干勇冠三軍宜小避之翰曰涉夜干素有勇名一國所賴今吾克之其國不攻自潰矣然吾熟其為人雖有虛名實易與耳不宜避之以挫吾兵氣遂進戰斬之宇文士卒不戰而潰燕兵乘勝逐之遂克其都城逸豆歸走死漠北宇文氏由是散亡皝徙其部衆於昌黎闢地千餘里高詡中流矢卒詡善天文皝嘗謂曰卿有佳書而不見與何以為忠蓋詡曰臣聞人君執要人臣執職執要者逸執職者勞是以后搜播種莠不預焉占候天文晨夜甚苦非至尊之所宜親殿下將安用之皝默然翰與宇文氏戰為流矢所中卧病積時後

漸差於其家試聘馬或告翰欲為變孰雖藉翰勇畧然終忌之乃賜翰死翰曰吾負罪出奔既而復還死已晚矣然羯賊跨據中原吾不自量欲為國集覽南家蕩一區夏此志不遂沒有遺恨飲樂而卒集覽南大涉夜干南羅東夷小國其先本辰韓種在高麗東南居漢樂浪地涉夜干其將之名忠蓋詩丈王之什王之蓋臣丈公集傳曰蓋才刃反正誤南羅大涉夜進也言其忠愛之篤進進無已正誤南羅大涉夜一部之長見前第質實昌黎郡名注見武帝太康元十八卷胡部大年后搜捕傳通鑑后搜名棄帝譽之子教民稼穡興於陶唐虞夏之際為農師封于郅號曰后稷

熒惑守房心趙殺其中書監王波

趙太子宣怒領軍王朗會熒惑守房使趙攬言於趙王虎曰宜以貴臣王姓者當之虎曰誰可者攬曰無

貴於王領軍虎問其次攬無以對因曰唯王波耳虎乃下詔追罪波前議楷矢事腰斬之既而愍其無罪追贈**集覽**追罪波前議楷矢事波先嘗請以**質實**感

司空**集覽**楷矢遺漢今追尋其事而罪之

守房心注見漢成帝綏和元年

發明

上書熒惑守房心下書殺中書監王波趙之應天者如此在羯虜固不足道也然仕於其

國者亦豈得為守道之君子邪趙攬本受石宣風旨謀陷王朗而乃誤及王波一言之失無辜屠戮亂世之事可哀也哉

桓宣及趙兵戰于丹水敗績**質實**

丹水縣名注見漢獻帝建安七年

宣擊趙李熙於丹水為熙所敗慙憤而卒庾翼遣子方之代領宣衆

書法

晉伐之不得志綱目所深惜也故書

秋九月帝崩太子聃即位尊皇后曰皇太后太后臨朝

稱制考證

秋九月下當補書立子聃為皇太子謹按康帝有疾何充請立太子乃立子聃為皇太

子是為穆帝穆帝即位紹承正統而於建儲之始豈可無書乎

帝疾篤庾冰庾翼欲立會稽王昱為嗣何充建議立皇子聃乃立聃為皇太子帝崩充奉太子即位由是冰翼深恨充帝方三歲太后臨朝稱制充薦褚裒宜綜朝政裒固請居藩改督徐兗鎮京口尚書奏裒見太后在公庭則如臣

實實

京口縣名注見成帝咸和三年

冬十月葬崇平陵實實

一統志云崇平陵在應天府上元縣境內

○荆江都

督庾永卒翼還鎮夏口

永卒翼留方之戍襄陽還鎮夏口詔翼復實實襄陽
督江州翼繕脩軍器大佃積穀以圖後舉實實縣名

注見漢獻帝建安十二年江州
注見漢武帝元鼎五年豫章

孝宗穆皇帝永和元年

趙建武十一年○燕王慕容
號十二年○舊大國一漢涼

代小國三新小國一凡五僭國春正月趙大發民治長安洛陽宮

趙王虎發諸州四十餘萬人治未央洛陽宮造獵車
千乘刻期較獵自靈昌津南至滎陽數十里為獵場
犯其禽獸者罪至死增置女官二十四等大發民女
三萬餘人以配之郡縣多彊奪人妻殺其夫荆楚揚
徐流叛畧盡守令坐不能綏懷下獄誅者集覽述明
五十餘人光祿大夫逯明切諫虎怒殺之集覽述明
姓名

遯音力 質實 靈昌津注見漢獻帝建安五年延
玉反 津榮陽郡名注見秦莊襄王元年

書法

作宮必書重民力也未有書大發民者書大發民何罪虎也是故魏書大營漢後主建興

五年宋書大脩癸卯年齊書大治丙子年皆罪之也惟明帝大起北宮繼書罷之為美辭漢永平三年

燕罷苑囿以給新民

燕王魮以牛假貧民使佃苑中稅其什之八自有牛者稅其七記室參軍封裕諫以為古者什一而稅天下之中正也降及魏晉仁政衰薄猶不取其七八也今殿下拓地三千里增民十萬戶其無田者十有三四是宜悉罷苑囿以賦新民無牛者官賜之牛不當更收重稅也今官司猥多皆宜澄汰工商末利宜立

常員學生三年無成當歸之於農參軍王憲大夫劉明近以言忤旨免官禁錮長史宋該阿媚苟容輕劾諫士不忠之甚者也孰乃下令悉從其言仍賜裕錢五萬宣示內外欲陳過失者勿有所諱孰雅好文學常親臨庠序講授考校學徒至質實古者什一而稅千餘人頗有妄濫者故裕及之天下之中正詳見論語顏淵篇禁錮注見漢章帝元和元年

書法

書美孰也綱目書罷苑二
是年齊壬戌年魏書以苑給民三詳漢元帝初元年

發明

虎方大發民以治宮室而孰乃罷苑園以給新民均之夷狄也而所為不同若此綱目比

而書之亦足見二虜之優劣矣

以會稽王昱為撫軍大將軍錄尚書六條事

詔徵褚裒輔政尚書劉遐說之曰會稽王令德雅望足下宜以大政授之裒乃固辭歸藩呈清虛寡欲尤善玄言常以劉惔王濛韓伯為談客郝超謝萬為掾屬超鑒之孫也少卓犖不羈父愔簡默冲退而嗇於財積錢至數千萬常開庫任超所取超散施親集覽故一日都盡萬安之弟也清曠秀邁亦有時名卓犖超絕也唐書張柬之有卓犖奇質實劉惔沛國材注卓犖有材辯也犖音力角反質實劉惔沛國潁川長社人郝超南平人謝萬陽夏人

二龍見于燕之龍山

燕有黑白二龍見于龍山交首遊戲解角而去燕王就祀以太牢命所居新宮曰和龍是歲始不用晉王號自稱質實龍山注見成帝咸康六年太牢注見唐太宗貞觀十九年

秋七月江州都督庾翼卒以桓溫都督荆梁等州軍事

翼病表子方之為荊州刺史委以後任及卒朝議以諸庾世在西藩人情所安欲從其請何充曰荆楚國之西門戶口百萬北帶彊胡西隣勁蜀得人則中原可定失人則社稷可憂陸抗所謂存則吳存亡則吳亡者也豈可以白面少年當之哉桓溫英畧過人有文武器幹西夏之任無出溫者丹陽尹劉惔每奇溫才然知其有不臣之志謂會稽王昱曰溫不可使居形勝之地其位號常宜抑之勸昱自鎮上流以已為軍司昱不聽以溫代翼又質實庾方之鄢陵人翼之子以惔監沔中軍代庾方之

漢主勢殺其弟廣

漢主勢之弟廣以勢無子求為太弟不許馬當解思明諫曰陛下兄弟不多若復有所廢將益孤危固請

許之勢疑其與廣有謀收斬之襲廣於涪城廣自殺
思明被收歎曰國之不亡以我數人在也今其殆矣
思明有智畧敢諫諍當素得質實涪城縣名注見漢
人心及其死士民無不哀之質實光武建武十二年

冬十二月張駿自稱涼王

是歲駿分境內二十二郡三營為涼河沙州駿自稱
大都督大將軍假涼王督攝之始置祭酒等官車服
擬於集覽涼河沙三州名也俱在河湟之地地理沿
王者集覽草表涼本漢武威郡晉立涼州河本漢金
城郡後秦置河州沙本質實涼州名注見唐中宗景
漢敦煌郡地唐置沙州質實龍二年一統志云河古
西羌之地名秦屬隴西郡漢屬金城隴西二郡東漢
屬隴西郡晉屬晉興郡苻秦始置河州隋廢改為枹
罕郡唐復為河州天寶初改為安鄉郡後陷于吐蕃
宋收復置枹罕縣尋省為寧河寨後陞為縣屬秦鳳

路金復置河州屬熙河路元為河州路屬吐蕃宣慰司本朝改為河州衛軍民指揮使司屬陝西道沙州

名注見唐莊宗同光元年

趙以姚弋仲為冠軍大將軍

弋仲清儉鯁直不治威儀言無畏避趙王虎甚重之

丙午二年趙建武十二年考異當圜下分注涼王春正月

揚州刺史都鄉侯何充卒質實都鄉縣名注見漢

充有器局臨朝正色以社稷為己任所選用皆以功效不私親舊卒謚曰文穆

燕襲夫餘拔之虜其王玄以歸質實夫餘國名注見漢

二月以光祿大夫蔡謨領司徒○三月以顧和為尚書令殷浩為揚州刺史

褚裒薦顧和殷浩詔以和為尚書令浩為揚州刺史和有母喪固辭不起謂所親曰古人有釋衰經從王事者以其才足幹時故也如和者正足以虧孝道傷風俗耳浩亦固辭會稽王昱與浩書曰屬當厄運危弊理極足下沈識淹長足以經濟若復深存挹退苟遂本懷吾恐天下之事於此去矣足下去就即時之廢興也家國不異宜集覽衰經注見武深思之浩乃就職帝泰始二年

夏四月朔日食○五月涼王張駿卒世子重華立考異

當夫張姓考證立當作嗣○趙殺其尚書朱軌立私論朝政法

趙中黃門嚴生惡朱軌會久雨譖軌不脩道路謗訕
朝政趙王虎囚之蒲洪諫曰陛下德政不脩天降淫
雨七旬乃霽霽方二日雖有鬼兵百萬亦未能去道
路之塗潦而况人乎願止作徒罷苑囿出宮女赦朱
軌以副衆望虎雖不悅亦不之罪為之罷長安洛陽
作役而竟誅軌又立私論朝政之法聽吏告其君奴
告其主公卿以下朝覲
以目不敢相過談語

趙攻涼州張重華遣主簿謝艾將兵逆戰大破之

後趙遣將軍王擢麻秋擊涼州張重華悉發境內兵
使裴恒將以禦之久而不戰司馬張耽曰國之存亡
在兵兵之勝敗在將今議者舉將多推宿舊夫韓信
之舉非舊德也盖才之所堪則授以事主簿謝艾兼
資文武可用也重華召艾問以方畧艾願請兵七千
人必破趙以報重華拜艾中堅將軍給步騎五千艾

引兵出夜有二梟鳴於牙中艾曰六博得梟者勝今梟鳴牙中克敵之兆也進與趙戰大破之麻秋之克金城也縣令車濟不降伏劍而死秋又遣書誘致宛戍都尉宋矩矩曰為人臣功既不成唯有死節耳先殺妻子而後自刎秋曰集覽六博得梟者勝注見周皆義士也收而葬之

集覽

六博得梟者勝注見周赧王四十二年博之所

以貴梟者宛戍南陽郡宛城之屯戍者

質實

中堅注見漢帝玄更始元年宛縣名注見周赧王十

七年

冬漢李奕舉兵攻成都不克而死

漢主勢驕淫不恤國事罕接公卿信任左右讒諂並進刑罰苛濫由是中外離心太保李奕自晉壽舉兵反衆至數萬勢登城拒戰射殺之蜀土先無獠至是始出自巴西至犍為梓潼布滿山谷十餘萬落不可

禁制大為民患加集覽晉壽梓潼郡邑屬梁州卽葭以饑饉四境蕭條

文帝改質實一統志云晉壽漢之縣名屬廣漢郡後魏改為興安縣置晉壽郡及益州梁改

黎州西魏改利州隋初郡廢改縣曰綿谷州為義成郡唐復為利州又改益昌郡宋置寧武軍元改廣元

路本朝改路為州以綿谷縣省入後復改州為縣仍屬保寧府巴西郡名注見漢獻帝建安十九年隸為

潼郡名注見漢光武建武十二年梓潼郡名注見漢獻帝建安十八年

書法

反也不書反何勢無道也綱目澄源正本故書攻不書反書死不書伏誅

發明

分注載李弈舉兵反而綱目止書攻成都何哉自李特反晉李雄繼之竊據土宇僭號一

方至勢驕淫不道蜀衆離心李弈乘時動衆綱目所以不書其反者抑僭偽戒淫昏恕弈所以惡勢

也書法若此
其旨嚴矣

十一月桓溫帥師伐漢

桓溫將伐漢將佐皆以為不可江夏相袁喬曰夫經畧大事固非常情所及智者了於胸中不必待衆言皆合也今為天下患者胡蜀二寇而已蜀雖險固比胡為弱將欲除之宜先其易者李勢無道臣民不附且恃其險遠不脩戰備宜以精兵萬人輕齎疾趨比其覺之我已出其險要可一戰擒也蜀地富饒戶口繁庶諸葛武侯用之抗衡中夏若得而有之國家之大利也論者恐大軍既西胡必闕闕此似是而非胡聞我萬里遠征以為內有重備必不敢動縱有侵軼緣江諸軍足以拒守必無憂也溫拜表輒行委長史范汪以留事朝廷以蜀道險遠溫衆少而深入皆以為憂惟劉惔以為必克或問其故惔曰以博知之溫

善博者也不必得則不為但集覽侵軼左傳懼其侵恐克蜀之後專制朝廷耳

集覽

侵軼我注軼突也音

直結反或又音逸溫善博者也不必得則不為戰國時蘇代謂魏王曰博之所以貴梟者便則食不便則

止卽此意也注見質實江夏國名注見漢獻帝建安周報王四十二年質實十三年袁喬陽夏人瓌之子

書法

庾亮伐趙書表請咸康五年於是溫亦拜表其不書表請何削之也曷為削之拜表順也

不待報而卽行則專也綱目惡專直書曰桓溫帥師其為履霜之戒深切矣

癸明

按春秋隱四年書翬帥師會代鄭左氏謂宋公乞師公弗許羽父固請而行君子謂翬已

有無君之心故春秋削去公子以示貶至隱十年又書翬帥師會伐宋先儒謂羽父先期而往不待君命故春秋不氏以貶之以戒兵柄下移之失未幾果有鍾巫之變此聖人垂訓於經所以戒後世

制治未亂辨之於早者也今焉晉之桓溫舉兵伐蜀以一時利害計之未為失策然拜表輒行不待朝命之及已非征伐自天子出之意其與輦之固請不待君命殆又甚之況其一舉成功則專兵跋扈蓋自此始綱目不書遣溫伐漢而直書桓溫帥師伐漢則其專輒無君已見於此何待他時擁兵制朝廢立不臣而後見邪雖然晉之方鎮大率皆然何獨於溫而貶之曰此晉之權綱不舉所以終於不能克復者正坐此爾夫征伐天子之大權而使臣執之得以專行于外其進其退率徇己私而朝議若無與焉者是以成則為桓溫劉裕敗則為褚裒殷浩綱目皆正色書之初未嘗有予之之意然則軍國大柄固不可一日不謹有天下國家者尚鑒之哉

丁未三年

趙建武十三年○是歲漢亡大一小三凡四僭國

春三月桓溫敗漢兵

于窄橋進至成都漢主勢降詔以為歸義侯

溫軍至青衣漢大發兵趣合水以拒之諸將欲設伏於江南以待晉兵將軍咎堅不從引兵向犍為溫軍至彭模議者欲分為兩軍異道俱進以分漢兵之勢袁喬曰今懸軍深入當合勢力以取一戰之捷萬一偏敗大事去矣不如全軍而進棄去釜鬬齋三日糧以示無還心勝可必也溫從之留參軍孫盛將羸兵守輜重自將步卒直指成都進遇漢將李權三戰三捷漢兵走散咎堅至犍為乃知與溫異道還至則溫軍於成都之十里陌矣堅衆自潰勢悉衆出戰于窄橋溫前鋒不利矢及溫馬首衆懼欲退而鼓吏誤鳴進鼓袁喬拔劍督士卒力戰遂大破之溫乘勝長驅至成都縱火燒其城門漢人惶懼無復鬪志勢輿櫬面縛詣軍門溫送勢於建康引漢司空譙獻之等以為參佐舉賢旌善蜀人悅之留成都三十日振旅還

江陵詔封集

見

青衣不賓光武嘉之因改名漢嘉今

嘉定府是舊經云古有青衣國與叙州相鄰其人因

賈至蜀遂求內屬因以名縣咎堅姓名咎音子感反

竿橋在蜀郡萬里橋西成都記云竿竹實實一統志

索也以竹箐為橋而以竿為之竿音昨實實云青衣

漢之縣名屬蜀郡東漢因之晉於縣置漢嘉郡後魏

改縣為蒙山縣屬蒙山郡隋改為名山縣屬臨邛郡

唐宋金元俱因之本朝省縣入州尋復置之改屬雅

州合水未詳處所彭模地名未詳處所輜重注見周

夏四月趙攻涼州張重華遣謝艾將兵擊破之

趙麻秋攻枹罕晉昌太守即坦欲棄外城武威太守

張俊曰棄外城則動衆心大事去矣固守大城秋帥

衆八萬圍塹數重雲梯地突百道皆進城中禦之秋
衆死傷數萬退保大夏張重華遣謝艾帥步騎三萬
進軍臨河艾乘輅車戴白帽鳴鼓而行秋望見怒曰
艾年少書生冠服如此輕我也命黑稍龍驤三千人
馳擊之艾左右大擾艾踞胡床指麾處分趙人以為
有伏兵懼不敢進別將張琄自間道引兵截趙軍後
趙軍退艾乘勢進擊大破之趙王虎復遣孫伏都帥
步騎二萬會秋軍長驅濟河艾又破之虎嘆曰吾以
偏師定九州今以九州之力困

集覽

大夏左傳昭元
年遷實沈于大

於枹罕彼有人焉未可圖也
夏主參卽此杜預曰今太原晉陽縣夏戶雅反括地
志云今并州晉陽及汾絳等州是枹車輅音遙徐廣
曰馬車也服虔**正誤**麻狄攻枹罕退保大夏今按枹
曰立乘小車也**正誤**麻狄在河西河州有大夏縣漢
地理志屬隴西郡取漢西大夏水以名
之非晉陽也時晉陽屬趙相去甚遠
質實枹罕縣
名注見

漢靈帝中平元年晉呂郡名注見唐莊宗同光二年
武威郡名注見漢光武建武十年一統志云大夏漢
之縣名屬隴西郡取大夏河為名晉宋及隋皆因之
唐省入枹罕縣尋復置宋廢之故址在陝西河川衛
境內白帽巾名注
見惠帝太安二年

趙築華林園

趙主虎據十州之地聚歛財物不可勝記猶以為不
足悉發前代陵墓取其金寶沙門吳進言於虎曰胡
運將衰晉當復興宜苦役晉人以厭其氣虎遂發近
郡男女十六萬人車十萬乘運土築華林園及長牆
于鄴北然燭夜作暴風大雨死者數萬人郡國前後
送蒼麟十六白鹿七虎命司虞調之以駕芝蓋命太
子宣祈福於山川因行遊獵宣乘大輅羽葆華蓋建
天子旌旗戎卒十八萬出自金明門虎升凌霄觀望

之笑曰我家父子如是非天崩地陷當復何愁但
抱子弄孫日為樂耳宣所舍縱獵士卒饑凍死者萬
餘人所過三州十五郡資儲皆無子遺虎復命秦公
韶繼出自并州至于秦雍亦如之宣怒其與已鈞敵
宦者趙生**集覽**司虞調之司虞掌山澤之官調者調
勸宣除之**集覽**和其性也猶馴擾之義大輅王輅也
天子祀天所乘輅本作路陸佃云天子五輅其王輅
一曰大輅言於金輅為大賈逵曰謂之路言行路也
羽葆顏師古曰羽葆蓋天子之儀衛也合聚五采羽
為幢名曰羽葆建於車上也葆音保華蓋沈括筆談
曰正衙法座香木為之加金飾四足墮角其前小偃
織藤冒之輦後曲蓋謂之葆兩扇夾心通謂之扇葆
皆繡亦有銷金者即古之華蓋也**質實**鄴縣名注見
又一說注見漢桓帝延熹九年**質實**漢獻帝建安
十五年西平郡名注見
漢宣帝元康四年湟中

冬十月以張重華為涼州刺史西平公

遣侍御史俞歸授重華官爵重華欲稱涼王未肯受
詔使所親私謂歸曰主公非世為晉忠臣今曾不如
鮮卑何也歸曰吾子失言昔三代之王也爵之貴者
莫若上公及周之衰吳楚始僭號稱王而諸侯亦不
之非蓋以蠻夷畜之也借使齊魯稱王諸侯豈不四
面攻之乎漢高祖封韓彭為王尋皆誅滅蓋權時之
宜非厚之也聖上以貴公忠賢故爵以上公任以方
伯寵榮極矣豈鮮卑夷狄所可比哉且吾聞之功有
大小賞有重輕今貴公始繼世而為王若帥河右之
衆東平胡羯修復陵廟迎天子返洛陽將何以加之
乎重華
乃止
質實
漢高帝封韓彭為王
事在漢高帝五年

楊初遣使稱藩詔以初為雍州刺史仇池公質實

雍州
注見

唐玄宗開元十一年京兆仇池縣名注見惠帝元康七年

中戊辰四年趙建武十四年秋八月趙太子宣殺其弟韜伏誅

秦公韜有寵於趙主虎欲立之以太子宣長猶豫未決宣謂所幸楊柁趙生曰汝能殺韜當以韜之國邑分封汝等韜死主上必臨喪吾因行大事蔑不濟矣八月柁等殺韜虎哀驚氣絕久之方蘇將出臨其喪司空李農諫曰害秦公者未知何人鑒與不宜輕出虎乃止既而事覺虎囚宣殺之鄴北窮極慘酷縱火焚之虎登中臺觀之取灰分置諸門交道中殺其妻子九人宣少子纔數歲虎素愛之抱之而泣欲赦之大臣不聽取殺之兒挽虎衣大叫至於絕帶虎集覽因此發病東宮衛士十餘萬人皆謫成涼州

交道猶今言十字路正義曰卽午道也楚世家質實顧據午道注鄭玄曰一縱一橫為午謂交道也

猶豫注見秦昭襄王五十四年
鑾與注見漢文帝元年鑾旗

加桓溫征西大將軍

朝廷論平蜀之功欲以豫章郡封桓溫左丞荀誕曰
溫若復平河洛將何以賞之乃加溫征西大將軍開
府儀同三司封臨賀郡公溫既滅蜀威名大振朝廷
憚之會稽王昱以殷浩有盛名朝野推服乃引為心
膂為參綜朝權欲以抗溫由是與溫寢相疑貳浩以
王羲之為護軍將軍羲之以為內外協和然後國家
可安勸浩不宜與集覽參綜正義曰參錯綜核也又
溫構隙浩不從注見惠帝元康七年綜世
質實一統志云臨賀漢之縣名屬蒼梧郡吳以縣置
臨賀郡宋改曰臨慶齊為臨賀國陳仍為郡隋
廢郡置賀州大業初改臨賀郡後又改綏越郡唐改
賀州或為臨賀郡宋仍為賀州而臨賀縣常為治所

元以桂嶺縣省入本朝初省臨賀縣入州尋改州為縣屬平樂府王羲之琅邪臨沂人導從子

九月燕王皝卒世子儁立考異

立當作嗣考證立當作嗣

皝有疾召儁屬之曰今中原未平方資賢傑以經世務恪智勇兼濟才堪任重汝其委之陽士秋志行高潔忠幹貞固可託大事質實夏熒曰中原謂中國即汝善待之卒諡曰文明黃極經世書云中原之地方九千里是也士秋陽驚表字

趙立子世為太子

趙主虎議立太子太尉張舉曰燕公斌有武畧彭城公遵有文德惟陛下所擇虎之拔上邽也將軍張豺獲前趙主曜幼女有殊色納於虎虎嬖之生齊公世豺乃說虎曰陛下再立太子其母皆賤故禍亂相尋

今宜擇母貴子孝者立之虎納其言令公卿上疏請之大司農曹莫不肯署名虎問其故莫頓首曰天下重器不宜立少故不敢署名虎稱其忠而實實名注見

漢光武建武八年

書法

僭國立子不悉書書趙太子何識立少也遵之弒逆始此矣故謹書之

冬十二月以蔡謨為司徒

謨上疏固讓謂所親曰我若為司徒將為後代所哂義不敢拜也

巳酉

五年

趙太寧元年

考異

分注元年下漏石鑒青龍元燕慕容儁元一十字

春正月

趙王虎稱皇帝○趙謫戍梁犢反虎遣兵擊斬之考異

擊當作討
斬當作誅

趙主虎以卽位大赦故東宮高力等萬餘人譎成梁
州行達雅城不在赦例高力督梁犢因衆怨作亂攻
拔下辨掠民斧施一丈柯攻戰若神所向崩潰長驅
而東北至長安衆已十萬樂平王苞盡銳拒之一戰
而敗犢遂趣洛陽虎遣李農統步騎十萬討之大敗
虎大懼以燕王斌為大都督統姚弋仲蒲洪等討之
弋仲將其衆八千餘人至鄴求見虎虎病未之見引
入賜食弋仲怒曰主上召我來擊賊當面授方畧我
豈為食來邪且主上不見我我何以知其存亡虎力
疾見之弋仲讓虎曰兒死愁邪何為而病兒幼時不
擇善人交之使至於逆旣誅之又何愁焉且汝久
病所立兒幼汝若不愈天下必亂當先憂此勿憂賊
也犢等窮困思歸相聚為盜何所能至老羌為汝一
舉了之弋仲性狷直人無貴賤皆敬之虎亦不之責

賜以鎧馬弋仲曰汝看老羌堪破賊否乃被鎧跨馬于庭中因策馬南馳不辭而出遂與斌等擊犢于蔡

陽大破斬之虎命弋仲劍履上殿入朝不趨進封平西郡公以蒲洪為雍州刺史都督秦雍封畧陽郡公

集覽

力疾勉力帶疾而起也杜甫詩力疾坐清曉實老羌姚弋仲南安亦亭羌人也故自稱老羌實

實

下辨郡名注見漢光武建武十一年樂平縣名注見懷帝永嘉二年平西郡未詳沿革陽郡名注

見懷帝永嘉四年

夏四月趙主虎卒太子世立其兄遵弒之及其太后劉

氏而自立

趙主虎病甚以彭城王遵鎮關右燕王斌為丞相張豺為鎮衛大將軍並受遺詔輔政劉后恐斌不利於

太子矯詔免歸第遵自幽州至鄴敕朝堂受拜遣之涕泣而去虎臨西閣龍騰中郎三百餘人列拜於前曰聖體不安宜令燕王入宿衛典兵馬虎曰燕王不在內邪召以來左右言王酒病不能入虎曰促持輦逆之當付璽綬亦竟無行者尋惛眩而入豺遂矯詔殺弑虎卒世卽位劉氏臨朝稱制遵至河內聞喪姚弋仲蒲洪及征虜將軍石閏等討梁犢還遇遵於李城共說遵曰殿下長且賢先帝亦有意以為嗣末年惛惑為張豺所誤今若聲豺之罪鼓行而討之其誰不開門倒戈以迎殿下者遵從之遂還趣鄴耆舊羯士皆出迎之豺惶怖亦出迎遵命執之擐甲曜兵入升前殿擗踊盡哀斬豺于市夷其三族假劉氏令以遵嗣位封世為譙王廢劉氏為太妃尋皆殺之以石閔為都督中外諸軍事於是鄴中暴風拔樹震雷雨雹大如孟升太武暉華殿災及諸門觀閣蕩然無餘金石皆盡火月餘乃滅時沛王冲鎮薊起兵討遵遵

使閔等討之冲兵大敗獲集覽鼓而行顧師古曰謂擊冲殺之坑其士卒三萬

雨雹雨去聲自上而下也雹弼角反雨水也春秋僖二十九年秋大雨雹公羊傳注夫人專愛之所生穀

梁傳注雹者陰脅陽臣侵君之象陽氣之在水質實雨則溫熱陰氣薄而脅之不相入轉而成雹

彭城郡名注見秦始皇二十八年河內郡名注見漢桓帝延熹九年李城未詳處所譙郡名注見漢獻帝

建安十四年沛郡名注見漢成帝河平二年薊縣名注見漢帝玄更始二年

書法

負蜀以庶兄書殺秦王政十九年此則曷為以弑書及其太后則可以書弑矣

發明

石虎縱暴阻兵安忍方其登臺觀二子耀兵之時笑謂我家父子如此自非天崩地陷當

復何愁然未幾一家骨肉自相屠割窮極慘毒國亦尋滅無復遺育天地固未嘗崩陷也而羯賊父

子果安在哉綱目前書太子宣殺弟韜伏誅此書
虎卒世立兄遵弒之所以見積惡之報曉然如此
世之欲以強暴自
固者可以觀矣

蒲洪遣使來降

石閔言於趙主遵曰蒲洪人傑也今鎮關中恐秦雍
之地非復國家之有宜改圖之遵從之罷洪都督洪
怒歸枋頭枋頭地名注見
遣使來降質實成帝咸和八年

燕以慕容恪為輔國將軍

慕容霸上書於燕王儁曰石虎窮凶極暴天之所棄
餘燼僅存自相魚肉今中國倒懸企望仁恤若大軍
一振勢必投戈偪以新遭大喪弗許霸曰難得而易
失者時也萬一石氏復興或有英豪據其成資豈惟

失此大利亦恐更為後患。倘猶豫未決，將軍封奕，慕與根曰：用兵之道，敵強則用智，敵弱則用勢。今中國之民困於石氏之亂，咸思易主以救湯火之急。此千載一時不可失也。自武宣王以來，招賢養民，務農訓兵，正侯今日若復顧慮，豈天意未欲使海內平定邪？將大王不欲取天下也。倘從之以慕容恪、慕容評、陽騫為三輔將軍，霸為前軍都督，選精質實武宣王募兵二十餘萬，講武戒嚴，為進取之計。質實容廐卒子，武宣王為

秋七月征討都督褚裒率師伐趙不克而還

桓溫聞趙亂，出屯安陸，遣諸將經營北方。趙揚州刺史王浹舉壽春降。西中郎將陳達進據壽春，征北大將軍褚裒上表請伐趙。即日戒嚴，直指泗口。朝議以裒事任貴重，不宜深入，宜先遣偏師。裒奏言：前已遣

前鋒王頤之等徑造彭城後遣督護麋嶷進據下邳
今宜速發以成聲勢乃加裒征討大都督裒帥衆三
萬徑赴彭城北方士民降附者日以千計朝野皆以
中原指期可復蔡謨獨謂所親曰胡滅誠為大慶然
恐更貽朝廷之憂其人曰何謂也謨曰夫能順天乘
時濟羣生於艱難者非上聖與英雄不能為也其餘
則莫若度德量力觀今日之事殆非時賢所及必將
經營分表疲民以逞既而材畧疎短不能副心財殫
力竭智勇俱困安得不憂及朝廷乎魯郡民五百餘
家起兵附晉求援於裒裒遣部將王龕將銳卒迎之
與趙將李農戰於代陂敗沒不還裒退屯廣陵陳達
亦焚壽春積聚毀城遁還裒還鎮京口解征討都督
時河北大亂遺民二十餘萬口渡河欲來歸附
會裒已還威勢不接皆不能自拔死亡畧盡
分表分劑
正誤
而守疲民以逞其志也如集覽說則

分字去聲猶言分外謂經營分量之外也亦通王羲之諫殷浩北伐敗喪云以前事為未工復求之分外

質實

安陸縣名注見新莽地皇二年壽春縣名注見泰王政六年泗口泗水之口注見秦始皇二十

八 years 下邳縣名注見漢高帝六年魯郡注見周太祖廣順二年曲阜代破未詳處所廣陵郡名注見漢武

帝元朔五年淮南

書法

褒亦表請矣不書表請書征討都督何朝命也書朝命則雖不書表請可也與先書移鎮

襄陽後書詔以為都討者異矣建元元年

發明

恢復與兼并異兼并謂之貪兵恢復謂之義兵晉失中原子孫有能為恢復之計者皆當

予之故前書桓宣及趙戰于丹水敗績此書褚裒帥師伐趙不克而還皆無貶詞一以存中國之體

二以伸義士之氣三以示不忘讐耻之心其與春秋書乾時之戰雖敗亦榮者同意固非予其窮兵黷武也君子詳觀綱目所書之旨思過半矣

九月張重華自稱涼王

重華屢以錢帛賜左右又喜博奕頗廢政事索振諫曰先王勤儉以實府庫正以讐耻未雪志平海內故也今蓄積已虛而寇讐尚在豈可輕有耗散以興無功之人乎漢光武躬親萬機章奏詣闕報不終日故能隆中興之業今章奏停滯下情不得上通集覽索沈寃困於囹圄殆非明主之事也重華謝之集覽振姓名索蘇各反何氏質質博奕應劭云博局戲也奕姓苑曰索姓出敦煌質質圍棋也囹圄獄名風俗通曰夏曰夏臺商曰羑里周曰囹圄爾雅曰囹圄也囹圄也領錄囚徒禁禦也

梁州刺史司馬勲伐趙拔宛城

趙樂平王苞謀帥關右之衆攻鄴苞貪而無謀雍州豪傑知其無成並遣使告晉梁州刺史司馬勲帥衆赴之出駱口破趙成壁于懸鉤去長安二百里三萬豪傑多殺守令以應之趙主遵遣王朗帥精騎二萬以拒勲為名因劫苞送鄴勲兵少不敢進拔宛城殺趙南陽太守而還

集覽

駱口駱谷也

注見漢後主延熙七年懸鉤城名屬京兆在長安縣西二百里

質實

梁州注見周赧王四年漢中宛

城注見周赧王十七年雍州注見唐玄宗開元十一年京兆

書法

於是趙雍州豪傑不樂其帥遣使告晉勲帥衆赴之既而以兵少不敢進拔宛城而還則

小勝也大書伐趙何予義且惡趙也

冬十一月趙石鑒弒其主遵而自立

初趙主遵之發李城也謂閔曰努力事成以爾為太子既而立太子行閔素驍勇屢立戰功既總內外兵權乃撫循殿中將士中書令孟準勸遵誅之十一月遵召義陽王鑒等入議於鄭太后前太后不可鑒出告閔閔遂劫李農使將軍蘇彥周成帥甲士執遵及太子衍殺之推鑒即位鑒以閔為大將軍李農為大司馬并錄質實義陽郡名見梁尚書事武帝太清二年

書法

弒遵者石閔也其書鑒何於是遵將殺閔與鑒謀之鑒以遵謀告閔又受其立則首惡也

書鑒弒書自立綱目之誅惡嚴矣然則李期何以不書弒主謀者兄越也書曰立其弟期則期亦與開乎弒而已非鑒比也

發明

考之分注石遵之死乃石閔殺之今綱目乃歸獄於鑒何哉按春秋昭十三年書楚公子

比自晉歸于楚弑其君虔于乾谿考之左氏乃公子棄疾召比脅而立之楚子虔遂縊于乾谿然春秋不書棄疾弑君而書公子比者比受其所立怵於利而忘其義故被以大惡而不可辭其事正與石鑒如出一轍綱目取法春秋故不書閔而書鑒者此也夫以夷狄醜類自相魚肉而綱目推原首惡正名定罪畧不少忽則其於中國從可知矣噫此綱目所以非君子莫能脩也歟

秦雍流民立蒲洪為主

秦雍流民相帥西歸路由枋頭共推蒲洪為主衆至十餘萬鑒懼其逼欲以計遣之乃以洪為雍州牧洪會官屬議應受與否主簿程朴請且與趙連和分境而治洪怒曰吾不堪為天子耶引朴斬之

十二月徐兗都督褚裒卒以荀羨監徐兗軍事考異軍

上漏
州字

裒還至京口聞哭聲甚多以問左右對曰皆代陂死者之家也裒慙憤發疾卒以羨代之時羨年二十八如羨之少者

質實

荀羨頴陰人恭之子

趙石閔幽其主鑒殺胡羯二十萬人

趙主鑒使樂平王苞夜攻石閔李農不克鑒懼偽若不知者夜殺苞將軍孫伏都劉錚等結羯士三千欲誅閔農鑒曰卿好為官陳力勿慮無報也於是伏都等攻閔農又不克閔農攻斬伏都等以兵守鑒於御龍觀懸食絡之下令城中曰孫劉構逆支黨伏誅良善一無預也今日以後與官同心者留不同者各任

所之敕城門不禁於是趙人百里內悉入城胡羯去者填門閤知胡之不為已用遂帥趙人誅胡羯無貴賤男女少長皆斬之死者二十餘萬其屯戍四方者皆命趙人為將帥者誅之或高鼻多鬚濫死者半

癸明

天道好生而惡殺出乎爾者必反乎爾羯賊縱暴戕刈晉民不啻草菅今焉元惡既斃假

手石閔殘戮其種雖未足以償晉人受禍之慘然亦足見天道好還之意矣書殺胡羯二十萬人雖快之也亦哀之也

燕遣使如涼州

約張重華
共擊趙

庚戌
六年

趙主石祗永寧元年○魏主冉閔永興元年○舊大國一涼代燕小國三新大國一凡五僭國

春閏正月趙石閔殺鑒而自立改國號魏考異

提要殺作弑按

當從提要而鑒上漏其主二字

閔欲滅去石氏之迹託以讖文有繼趙李更國號曰衛易姓李氏時新興王祗鎮襄國公侯卿校出奔從之者萬餘人諸將張沈張賀度等擁衆各數萬亦皆不附於閔汝陰王琨帥衆伐鄴閔與戰於城北敗之遂與李農擊張賀度于石濟鑒密召張沈使乘虛襲鄴宦者以告閔農廢鑒殺之并殺趙主虎二十八孫盡滅石氏司徒申鍾等上尊號於閔閔以讓農農固辭閔曰吾屬故晉人也請與諸君分割州郡各稱牧守公侯奉迎天子還都洛陽何如尚書胡睦曰陛下聖德應天宜登大位晉氏衰微遠竄江表豈能總馭英雄混一四海乎閔曰尚書可謂識質實

新興郡名注見孝武

帝太元九年襄國郡名注見楚義帝元年汝陰郡名注見齊主寶卷永元二年石瀆地名未詳處所

書法

前書幽其主鑒矣此其不書弑何鑒閔同弑其君則賊一也賊殺賊而已矣是故石閔石

鑒同弑其君而閔殺鑒則書殺而不書弑張顯徐溫同弑其君而溫殺顯則書殺而不書討此綱目

之權衡也

發明

楚公子棄疾脅弑其君虔於乾谿而春秋歸獄公子比臣前已論之矣至此已立為君而

死春秋則以棄疾殺公子比書之先儒謂比之去就死生行止遲速皆國人所為而比未嘗可否安得為棄疾之君故春秋但以殺公子比書之今綱目於石閔之事雖前已書幽其主鑒而此則以殺鑒書之者其事正與楚公子比相類故也又況石氏窮凶極惡而閔乃晉之故民本姓冉氏初非羯

賊之種故天假手誅之綱目書殺而不書弑既本春秋之旨又以見貴華賤夷之意恕閔所以惡羯

也其旨嚴矣

以殷浩督揚豫等州考異

提要州下有軍事二字

朝廷聞中原大亂復謀進取故以浩為中軍將軍督揚豫徐兗青州蒲洪為征北大將軍督河北諸軍事

蒲洪自稱三秦王改姓苻

姚弋仲蒲洪各有據關右之志弋仲遣其子襄擊洪洪迎擊破之自稱大都督大將軍大單于三秦王改姓苻氏以雷弱兒梁集覽改姓苻注見懷帝

楞魚遵段陵為將相永嘉四年蒲洪

二月燕王儁擊趙拔薊城徙都之

燕王僂與慕容霸慕輿于將兵三道出塞以伐趙趙
守將皆走僂遂拔薊欲悉阮其士卒霸諫曰趙為暴
虐王興師伐之將以拯民於塗炭而撫有中州也今
始得薊而阮其士卒恐不可以為王師之先聲乃釋
之僂入都于薊中川士女降者相繼燕兵至范陽太
守李產欲為石氏拒燕衆莫為用乃帥八城令長出
降僂悉置幽州郡質實范陽郡名注見漢帝
縣守宰引兵還薊

魏主閔復姓冉氏

閔以李農為太宰錄尚書事遣集覽復姓冉氏閔本
使者持節赦諸軍屯皆不從

人趙王石勒獲之
命石虎養以為子

故趙將麻秋殺苻洪洪子健斬秋遣使來請命

初趙將麻秋為苻洪所獲以為軍師將軍說洪曰冉閔石祗方相持中原未可平也不如先收關中基業已固然後東爭天下洪深然之既而秋因宴鴆洪欲并其衆世子健收秋斬之洪謂健曰吾所以未入關者以為中州可定今不幸為豎子所困中州非汝兄弟所能辦我死汝急入關言終而卒健代統其衆乃去王號稱晉官爵告喪請命

集覽

中州猶言中原中華也

書法

故趙將何子義也然則郭循亦故魏臣也殺漢費禕後主延熙十六年何以書盜逆順之

辭也書斬不書誅趙將也不書殺洪子也

趙石祗稱帝於襄國

祗既稱帝六夷據州郡擁兵者皆應之祗以姚弋仲為右丞相待以殊禮弋仲子襄雄勇多才祗以為驃

騎將軍又以苻健
為鎮南大將軍

魏殺其太宰李農

魏主閔既殺農遣使臨江告晉曰逆胡亂中原
今已誅之能共討者可遣軍來也朝廷不應

夏五月廬江太守袁真攻魏合肥克之質實廬江郡名注見漢景

帝五年合肥縣名注
見漢獻帝中平五年
○杜洪據長安苻健擊敗之

王朗聞趙亂自長安赴洛其司馬杜洪據長安自稱
晉征北將軍關西夷夏皆應之苻健欲取之乃治宮
室於枋頭課民種麥示無西意既而自稱晉征西大
將軍都督關中雍州刺史悉衆而西以魚遵為前鋒
為浮梁以濟孟津遣弟輔國將軍雄帥衆五千自潼
關入兄子楊武將軍菁帥衆七千自軹關入臨別謂

菁曰若事不捷汝死河北我死河南不復相見既濟
焚橋自帥大衆隨雄而進洪使張先逆戰于潼關之

北大敗走還洪
集覽 輒關闔名曰輒在
質實 孟津注
懼固守長安

玄更始二年潼關注見漢獻帝建安十六
年一統志云輒關在懷慶府濟源縣西

故趙將張賀度等會兵討魏不克

趙故將張賀度等會于昌城將攻鄴魏主問自將擊
之戰于蒼亭賀度等大敗盡俘其衆而歸閔戎卒三
十餘萬旌旗鉦鼓百餘里
集覽 鉦鼓注見漢元
雖石氏之盛無以過也
帝建昭三年
質實

昌城未詳處所
蒼亭未詳處所

書法

故趙將何子義也故得書討然則麻秋亦義
也何以止書殺閔秋君賊也非苻洪比矣終

綱目書故將七詳漢高帝五年
惟利幾公師藩為譏辭

魏主閔徵故散騎常侍辛謐為太常謐不食而卒

故晉散騎常侍隴西辛謐有高名歷劉石之世徵辟皆不就魏主閔備禮徵為太常謐遺閔書以為物極

則反致至則危君王功已成矣宜因茲大捷歸身晉朝必有由夷之康享喬松之壽矣因不食而卒

集

覽

致至則危注見周赧王四十三年必有山夷之燕享喬松之壽由許由夷伯夷喬王喬松赤松子也

戰國秦策蔡澤說范雎曰君何不歸相印讓賢者授之必有由夷之康長為應侯世世稱孤而有喬松之壽孰與以禍終哉皇甫謐高士傳曰許由字武仲聞堯致天下而讓焉乃遁於箕山伯夷商末孤竹君長子也父卒伯夷讓弟叔齊而逃於首陽
山喬松之壽注見漢昭帝元平元年
質實隴西郡名注見

秦王政三年
辛謚秋道人

書法

書不食何予節也故特書故官綱目書不食而卒者三龔勝陳龜辛謚皆節士也周亞夫

不食而死不與焉終綱目書徵賢二十有一書不至八書不屈不就不受不食而卒各一而已

發明

胡羯迭據中原智能之士亦往往有立其朝者未必不以隨世就功名自詭使皆能如辛

謚之知義亦何不可之有劉石辟召既皆不就至再閔召之遂不食而卒綱目特書故散騎常侍蓋明其不失臣節故存其王爵以貴之爾君子觀此可不安於義命也歟

秋九月燕徇冀州取章武河間

初渤海賈堅少尚氣節仕趙為殿中督及趙亡堅還鄉里擁部曲數千家燕慕容評徇渤海招之不降與

戰擒之以為**質實**冀州注見秦二世二年信都章武樂陵太守郡名注見帝奕太和四年河間郡

名注見漢帝玄更始二年一統志云渤海漢之郡名治浮陽縣東漢徙治南皮晉為渤海國宋為渤海郡後魏置滄州隋為渤海郡治陽信後徙治清池唐改滄州天寶初改景城郡乾元初復為滄州唐末置義昌軍五代梁改順化軍唐改橫海軍宋改長蘆入清池今陞臨海軍屬河北東路元改隸河間路本朝仍為滄州以清池縣省入屬河間府
樂陵郡名注見宋明帝泰始三年

冬十一月符健入長安遣使來獻捷

健長驅至長安杜洪奔司竹健以民心思晉乃遣參軍杜山伯詣建康獻捷并修好於桓溫於是秦雍夷夏皆附之**質實**司竹圍名注見隋煬帝大業十三年秦州名注見漢光武建武元年天水雍州名注

見唐玄宗開元
十一年京兆

十二月免蔡謨為庶人

謨除司徒三年不就職詔書屢下終不受於是帝臨
軒遣侍中黃門徵之謨陳疾篤自旦至申使者十餘
返時帝方八歲甚倦問左右曰所召人何以至今不
來臨軒何時當竟太后乃詔罷朝會稽王昱令曹曰
蔡公傲違上命無人臣之禮若人主卑屈於上大義
不行於下亦不復知所以為政矣公卿乃奏請送廷
尉謨懼帥子弟素服詣闕稽顙自到廷尉待罪殷浩
欲加謨大辟會荀羨入朝語浩曰蔡公今日事危明
日必有桓文之舉浩集覽桓文之舉齊桓晉文五霸
乃止詔免謨為庶人集覽之巨者挾天子令諸侯今
荀羨謂必有如桓文者亦挾天子
而謀誅汝矣蓋謂桓溫諸人也

書法

免例有三免某官者無罪之辭也某以罪免者有罪之辭也某免者薄乎云爾之辭也書

免蔡謨無罪也然則曷為不書官於是蔡謨為司徒固讓不就三年於此矣書司徒則謨未受命也書光祿大夫則前領司徒已書之矣故於此止書名

發明

孔子君命召不俟駕而齊王欲見孟子則辭以疾後世不敢以孟子為非而亦不敢不以

孔子為是二者孰從而折衷之蓋孔子之不俟駕正孟子所謂當仕有官職而在孔子則事君盡禮者也若夫孟子則齊王託疾以邀其朝而孟子又居賓師之位非食其祿而臣之者故惡其詐而辭之爾非曰要君傲上以為高也蔡謨在晉誠為表然方之孔孟則有間矣安有天子臨軒百官布列若待神明謨乃傲然偃蹇自旦至申使者十餘返而不至哉且使者往返之時必明言所以而謨

亦必明知臨軒久竢之意其心何以自安既而朝
論不容請致廷尉方乃稽顙待罪何前倨而後恭
邪况謨甫陳疾篤隨即詣闕又何愈之速邪由前
言之則不忠由後言之則不智此皆謨忽視幼君
下視同列之故爾使其果遇英果之君朝綱振肅
必不敢爾至殷浩欲處以大辟則又過矣綱目書
免蔡謨為庶人於未免而已削其
官則其免之宜也觀者試思之

辛

七年

○趙永寧二魏永興二年○秦主苻健皇始元年
○是歲趙亡舊大國一涼代燕小國三新大國

一凡
僭國

五
考異

提要分注作
秦高祖苻健

春正月日食○鮮卑段龕以

青州來降

初段蘭死於令支龕領其衆因石氏之亂南
徙廣固至是來降以為鎮北將軍封齊公
集覽
廣固

青州縣名漢地志齊郡有廣縣晉地道記正誤廣固
廣縣在東莞郡按東莞今莒州沂水縣是今按

晉廣固城曹嶷所築有大澗甚廣因曰廣固質實令
在青州益都縣西四里實慕容超所都處

縣名注見成帝咸康四年一統志云廣固城名在青
州府城西八里堯山之陽晉永嘉末前趙於此築城

有大澗甚廣因之為固
故名後為劉裕所夷

苻健自稱秦天王

健左長史賈玄碩等請依劉備稱漢中王故事表健
為都督關中諸軍事大單于秦王健怒曰吾豈堪為
秦王邪且晉使未返我之官爵非汝曹所知也既而
密使梁安諷玄碩等上尊號遂即天王大單于位國
號大秦

二月魏主閔圍趙主祗於襄國姚弋仲及燕王儁遣兵救之

魏主閔攻襄國百餘日趙主祗危急乃去帝號稱王遣太尉張舉乞師於燕許送傳國璽將軍張春乞師於姚弋仲弋仲遣其子襄救之誠襄曰冉閔棄仁背義屠滅石氏我受人厚遇當為復讐老病不能自行汝才十倍於閔若不梟擒必不復見我也燕王儁遣悅綰將兵往會之閔遣中郎常煒使於燕儁使封裕詰璽所在煒曰在鄴裕曰張舉言在襄國何也煒曰彼求救者為妄誕之辭爾儁乃積柴其旁使裕以其私誘之煒辭不變左右請殺之儁曰彼不憚殺身以徇其主忠臣也使出就館夜使其鄉人往勞之且曰君何以不實言王怒欲處君於遼碣之聚奈何煒曰吾結髮以來尚不欺布衣況人主乎曲意苟合性所

不能直情盡言雖沈東海不敢避也遂臥向壁不復言雋乃囚之於龍城後知張舉之妄乃殺舉而釋燁

之集覽

遼碣遼水與碣石山也遼水出高句麗在遼陽郡之北碣石在北平郡驪城縣西南河口

之地今平

質實

傳國璽注見漢光武建武三年遼水注見漢昭烈章武元年碣石山注見

秦始皇三十二年

三月魏主閔及趙燕姚襄之兵戰敗績考異

提要作魏兵敗績

姚襄及趙石琨各引兵東救襄國魏主閔遣將軍胡睦拒襄於長蘆孫威拒琨於黃丘皆敗還閔欲自出擊之衛將軍王泰諫曰今襄國未下外救雲集若我出戰必腹背受敵此危道也不若固壘以挫其銳徐觀其釁而擊之道士法饒進曰太白入昴當殺胡王百戰百克不可失也閔攘袂大言曰吾戰決矣敢沮

衆者斬乃悉衆出與襄琨戰悅綰適以燕兵至去魏
兵數里疏布騎卒曳柴揚塵魏人望之恟懼襄琨綰
三面擊之趙王祗自後衝之魏兵大敗閔與十餘騎
走還鄴將士死者十萬餘人姚襄還潁頭姚弋仲怒
其不擒閔杖之一百閔之為趙相也所徙青雍幽荆
之民及氐羌胡蠻數百萬口以趙法禁不行各還本
土道路交錯互相殺掠其能達者十有二
三中原大亂因以饑疫人相食無復耕者
質實一統志云
長蘆古地名本漢參戶縣地隋初置長蘆縣并置漳
河郡後廢唐屬滄州宋省入清池縣今為都轉運鹽
使司治所故址在河間府舊滄州西北四十四里黃
丘地名未詳處所太白入昂太白注見升平元年昂
宿名西陸大梁之次胃昂畢也晉天文志云昂胡星
也若動搖主胡兵大起潁頭注見成帝咸和八年

趙遣其將劉顯伐魏不克

趙王祗使其將劉顯攻鄴閔悉衆出戰大敗顯軍斬首三萬餘級顯懼密使請降求殺祗以自效閔乃引歸

秦遣使問民疾苦

秦王健分遣使者問民疾苦搜羅偽異寬重斂之稅弛離宮之禁罷無用之器去侈靡之服凡趙之苛政不便於民者皆除之

夏四月司馬勲會杜洪等兵擊秦敗還

杜洪遣使召梁州刺史司馬勲勲帥步騎三萬赴之秦王健禦之於五丈原勲屢戰皆敗退歸南鄭健以賈玄碩始者不上尊號銜之使人告玄碩與勲通殺之

集覽

五丈原索隱曰在扶風郿縣城中南

鄭注見周安
王十五年
質實
五丈原注見漢後
主建興十三年

書法

晉加秦兵書伐此其書擊何
會杜洪也綱目正誼不謀利

趙劉顯弑其主祗而自立○秋八月魏徐充荊豫洛州

來降質實

襄王元年三川注見秦莊

○燕慕容恪取中山

恪入中山遷其將帥士豪數千家詣
集覽
中山春秋
白狄地戰

國為中山國後改定州
質實
中山國名注見周
威烈王二十三年

姚弋仲遣使來降

詔以弋仲為車騎大將軍六夷大
質實
并州注見齊
明帝建武三

年

冬十二月桓溫移軍武昌尋復還鎮

初桓溫請經畧中原事久不報知朝廷仗殷浩以抗已甚忿之然素知浩之為人亦不之憚以國無他釁遂得相持彌年雖有君臣之跡羈縻而已八州士衆資調殆不為國家用屢求北伐不聽至是拜表輒行帥衆四五萬順流而下軍于武昌朝廷大懼浩欲去位以避溫又欲以騶虞幡駐溫軍吏部尚書王彪之言於會稽王昱曰若浩去職人情離駭必有任其責者非殿下而誰乎又謂浩曰彼若抗表問罪卿為之首欲作匹夫豈有全地邪且當靜以待之令相王手書為陳成敗彼必旋師若不從則遣中詔又不從乃當以正義相裁奈何無故怱怱先自猖獗乎浩曰決大事正自難項日來欲使人悶聞卿此謀意始得了

撫軍司馬高崧為呈草書曰寇難宜平時會宜接此
實為國遠圖經畧大算能弘斯會非足下而誰然異
常之舉衆之所駭遊聲噂嗒想足下亦少聞之苟或
望風振擾一時崩散則望實並喪社稷之事去矣吾
與足下雖職有內外安社稷保家國其致一也當先
思寧國而後圖其外區區誠懷豈可顧嫌而不盡哉
溫即上疏惶恐致謝回軍還鎮朝廷將行郊祀往
問於彪之曰應有赦否彪之曰自中興以來郊祀往
往有赦愚謂非宜凶愚之人集覽資調資財調賦相
必將生心於傲倖矣呈從之

集覽

資調資財調賦相
王會稽王昱噂嗒

聚語也詩噂嗒背憎噂祖本反
嗜徒合反望實威望軍實也

正誤

望實並喪今按
不若解作外望

與事實所
包者廣

質實

王彪之琅邪臨
沂人區區小貌

書法

書移軍何罪溫也繼書尋復還鎮而桓溫
之情得矣故曰綱目修而亂臣賊子懼

發明

桓溫跋扈不臣綱目前書帥師伐漢已論之矣今此書移軍武昌尋復還鎮則其專輒自

如惟意所欲其罪尤不可掩然晉朝雖知其非卒亦無如之何僅能致書諭之而已直筆書之交譏

也之

壬子八年

魏永興三秦皇始二年○燕主慕容儁元年○是歲魏亡大二小二凡四僭國考異

提要分注作燕烈祖慕容儁

春正月朔日食○秦王健稱皇帝

健以單于統壹百蠻非天子所宜領以授太子萇

杜洪司馬張琚殺洪自稱秦王

杜洪張琚屯宜秋洪自立以右賢實帝宜秋聚名注見漢族輕琚琚遂殺洪而自立實實帝更始元年

魏克襄國殺劉顯遷其民於鄴

書法

劉顯嘗書弑其主矣此其不書討何不以討予問也曷為不以討予之問亦趙賊也以賊

殺賊而已矣故止書殺

○趙汝陰王琨來奔斬之質實

汝陰郡名注見齊主實卷永元二年

石氏遂絕

發明

石氏窮凶極惡今其醜類來奔戮之宜矣故特書之

殷浩使督統謝尚荀羨進屯壽春張遇據許昌叛降于

秦

尚書左丞孔巖言於殷浩曰比來衆情良可寒心不知使君將何以鎮之愚謂宜明受任之方韓彭專征伐蕭曹守管籥深思廉蔣屈身之義平勃交歡之謀令穆然無間然後可以保大定功降附之徒皆人面獸心恐難以義感也浩不從上疏請北出許洛以謝尚荀美為督統進屯壽春初魏豫州牧張邈以州來降至是尚等不能撫慰之遇怒據許昌集覽許洛許叛降于秦浩軍不能進命美鎮下邳

俱在河南下邳

注實

韓彭謂韓信彭越蕭曹謂蕭何曹參

周赧王三十六年平勃交歡之謀事在漢高后七年豫州注見漢光武建武十九年汝南許昌縣名注見

漢後主建興十年

書法

張遇之叛尚激之也必書殷浩使何罪使之者也凡功罪書使歸其上也是故呂布之誅

董卓書王允使漢獻帝初平三年謝尚之激張遇
書殷浩使是年祿山之敗於奚契丹書張守珪使

唐玄宗開元二十四年
皆歸功罪其上者也

三月姚弋仲卒子襄率衆來歸詔屯譙城

弋仲有子四十二人及病謂諸子曰石氏待吾厚本
欲為之盡力今已滅矣中原無主我死汝亟自歸於
晉當執臣節無為不義也及襄與秦兵戰敗遂帥衆
歸晉詔襄屯譙城襄單騎渡淮見謝尚于壽春尚聞
其名命去仗衛幅巾待之歡若平生
襄博學善談論江東人士皆重之
實實譙城注見
漢獻帝建

安十
四年

癸卯弋仲薨也其卒不書死何弋仲雖夷而有向
華之心其戒子之言曰晉室大亂中原無主

自古以來未有戎狄作天子者我死汝便歸晉竭臣節無為不義之事嗚呼弋仲親見劉石之稱皇帝而言無戎狄作天子其心蓋亦知其黨類潛竊之非奈何中國之人反助夷以侵華甚者又稱獎而進之其視弋仲豈但天淵哉

夏四月燕慕容恪等擊魏大破之執其主閔以歸殺之

魏主閔既克襄國因遊食常山中山諸郡夏燕王儁遣恪等擊之閔趣常山恪追及於魏昌之廉臺燕兵十戰皆不勝閔素有勇名所將兵精銳燕人憚之恪巡陳諭將士曰閔勇而無謀一夫敵耳其士卒饑疲甲兵雖精其實難用不足破也閔所將多步卒將趣林中恪參軍高開曰吾騎兵利平地若閔得入林不可復制宜亟遣輕騎邀之既合而陽走誘致平地然後可擊也恪從之魏兵還就平地恪分軍為三部謂

諸將曰閉性輕銳又自以衆少必致死於我我厚集
中軍之陳以待之候其合戰卿等從旁擊之無不克
矣乃擇鮮卑善射者五千人以鐵鎖連其馬為方陳
而前間乘十里馬左操雙刃矛右執鉤戟以擊燕兵
斬首三百餘級望見大幢知其為中軍直衝之燕兩
軍從旁夾擊大破之圍閉數重間潰圍東走其馬忽
斃為燕兵所執送於龍城斬之遣慕容評帥精騎攻
鄴魏大將軍蔣幹及太子智閑城拒守城外皆降於
燕

集覽

襄國注見漢王劉邦元年常山注見漢光武
建武九年夏作一句讀時維四月魏昌縣名

屬中山

質實

廉臺未詳處所龍城注
見帝奕大和四年和龍

五月秦主健擊張琚斬之○魏人遣使請降

鄴中大饑人相食故趙時宮人被食畧盡蔣
幹遣侍中繆嵩奉表請降且求救於謝尚

六月謝尚得傳國璽獻之考異

獻之當作來獻

初謝尚使戴施據枋頭施聞蔣幹求救乃帥壯士百餘人入鄴助守三臺給幹得傳國璽宣言使督護何融迎糧陰令懷璽送于枋頭尚迎至建康百僚畢賀質實三臺注見晉懷

謝尚攻張遇于許昌秦人救之尚等敗績殷浩退屯壽

春考異

據上書張遇據許昌叛則此攻字當作討

尚與姚襄共攻張遇秦主健遣丞相東海王雄等救之戰于潁水之誠橋尚等大敗犇還淮南殷浩自許昌退屯壽春雄徙遇及陳穎許洛之民五萬餘戶於關中以楊羣為豫州刺史鎮許昌尚降號建威將軍

集覽

陳穎二州屬開封

質實

東海國名注見秦二世二年鄭穎水注見漢後主建興二年許

昌縣名注見漢獻帝興平元年陳頴許洛四州名陳
注見周赧王三十七年頴注見梁武帝天監二年許
注見漢獻帝興平元年許昌
洛注見秦莊襄王元年三川

書法

張遇前書叛矣此其不書討書攻何遇之叛
尚激之也書叛以正遇罪而謝尚不書討權

衡之
辭也

秋八月燕慕容評攻鄴克之遂留守鄴○九月殷浩進

屯泗口

浩之北伐也中軍將軍王羲之以書止之不聽既而
無功復謀再舉羲之遺浩書曰今以區區江左天下
寒心固已久矣力爭武功非所當作自頃處內外之
任者未有深謀遠慮而疲竭根本各從所志竟無一

功可論遂令天下將有土崩之勢任其事者豈得辭
四海之責哉今軍疲於外資竭於內保淮之志非所
復及莫若還保長江督將各復舊鎮自長江以外羈
縻而已引咎責躬更為善治省其賦役與民更始庶
可以救倒懸之急也若猶以前事為未工復求之於
分外宇宙雖廣自容何所此愚智所不解也又與會
稽王昱牋曰今雖有可喜之會內求諸已而所憂乃
重於所喜功未可期遺黎殲盡以區區吳越經緯天
下十分之九不亡何待而不度德量力不弊不已此
封內所痛心歎悼者也願殿下先為不可勝之基須
根立勢舉謀之未晚浩不從進屯
集覽封內謂封實
泗口遣戴施據石門劉邀戍倉垣
實帝永元元年石門山名注見漢光武建武八年倉
實
處未詳
處所

罷遣太學生徒

浩以軍興罷遣太學生徒學校由此遂廢

發明

文德者帝王之利器威武者文德之補助嘗聞投戈以講藝矣未聞廢學以從戎者也殷

浩虛名誤國處非其任今乃以軍興之故至於罷遣太學生徒然朝論亦無有非之者直筆書之可愧甚矣

冬十月謝尚攻許昌克之○十一月燕王儁稱皇帝

故趙將擁兵據州郡者各遣使降燕羣僚共上尊號儁許之始置百官即皇帝位詐言獲傳國璽改元元重時晉使適至燕儁謂曰汝還白汝天子我承人乏為中國所推已為帝矣改司州為中州建留臺於龍

都以乙逸為尚
書專委留務

集覽

此我承人之乏謂無人可為帝我承
此空乏也左傳成二年韓厥曰

攝官質實

司州注見秦莊襄王元年三川龍都即龍
城注見晉帝夷太和四年和龍中州注見

楚義帝元年
年新安

癸丑九年

秦皇始三燕
元璽二年

夏五月張重華攻秦上邦拔之詔

進重華涼州牧○秋七月秦殺其司空張遇

初張遇降秦秦主健以為司空而納其繼母韓氏為
昭儀數於衆中謂遇曰卿吾假子也遇耻之陰結關
中豪傑欲滅苻氏以其地來降事覺伏誅於是關中
豪傑數人各擁衆數萬遣使來請兵秦皆攻滅之

質實

關中注見唐玄
宗開元十一年

書法

張遇為秦司寇陰結豪傑欲滅苻氏則反也其以無罪書殺何遇欲滅秦以降晉是從義

也綱目勸反
正故其辭恕

殷浩遣兵襲姚襄不克冬十月遂率諸軍北伐襄邀敗

之浩走譙城

姚襄屯歷陽以燕秦方彊未有北伐之志乃夾淮廣興屯田訓厲將士浩在壽春惡其彊盛囚襄諸弟屢遣刺客刺之客皆以情告襄浩潛遣將軍魏憬帥衆五千襲之襄斬憬并其衆浩愈惡之遷襄蠡臺表授梁國內史襄益疑懼遣參軍權翼使於浩浩曰身與姚平北共為王臣平北每舉動自專甚失輔車之理翼曰平北英姿絕世擁兵數萬而遠歸晉室者以朝廷有道宰輔明哲故也今將軍輕信讒慝與之有隙

謂猜嫌之端在此而不在彼也浩曰平北生殺自由
又掠吾馬王臣之體固若是乎翼曰姦宄之人亦王
法所不容也殺之何害浩曰然則掠馬何也翼曰將
軍謂平北雄武難制終將討之故取以自衛耳浩笑
曰何至是也初浩陰遣人誘秦梁安雷弱兒使殺秦
主健許以闕右之任弱兒等偽許之且請兵應接浩
聞張遇作亂以為安等事成遂自壽春帥衆七萬北
伐欲進據洛陽修復園陵王彪之上會稽王昱牋以
為客有詐偽未應輕進不從浩追至山桑襄縱兵擊
將至偽遁而陰伏甲以邀之浩追至山桑襄縱兵擊
之浩大敗棄輜重走保譙城襄俘斬萬餘悉收其資
仗使兄益守山桑而復如淮南昱謂彪之曰君言無
不中張陳**集覽**蘇臺史炤曰地名在梁國屬豫州輔
無以過也**集覽**車左傳僖五年輔車相依唇亡齒寒
注輔頰輔也車牙車也音尺奢反周易咸其輔頰古
注輔如字馮云上頷也虞作輔云耳目之間也說文

輔頰骨也牙車牙所質實原陽郡名注見漢冲帝永嘉元年平北謂姚襄蓋襄

載也張陳張良陳平為平北將軍故云一統志云山桑漢之縣名屬沛郡光武時王常封山桑侯即此晉隋屬譙郡故城在鳳

陽府棠城縣北三十七里今城內有亭基陵阜高峻又見懷帝永嘉五年

書法

王師北伐襄邀敗之是反矣不書反何專罪浩也襄無罪而浩襲之浩之罪也綱目惡首

禍故浩書襲而襄不書反至浩免而襄降燕則襄以叛書而桓溫書討矣浩軍書遂譏不備也

發明

去春方書姚襄率衆來歸詔屯譙城未聞有反側之意殷浩乃無故遣兵襲之既不能克

又復使之前驅是驅之使叛也浩之所為乖繆若此乃欲經畧中原其敗宜矣綱目據事直書所以著浩之失不然襄既歸朝而又邀敗王師則必以反書之矣

十一月西平公張重華卒子曜靈立考異

當去張姓立當作嗣

重華有疾曜靈纔十歲立為世子重華庶兄祚有勇力吏幹而傾巧善事內外與嬖臣趙長等結異姓兄弟謝父以抱罕之功有寵左右諧之出為酒泉太守父上言權倖用事公室將危乞聽臣入侍且言祚及長等將為亂宜盡逐之重華疾甚手令徵父輔政祚長等匿而不宣重華卒曜靈立稱涼州刺史西平公長等矯遺令質實酒泉郡名注見漢以祚輔政武帝元朔三年

十二月姚襄徙屯盱眙

襄濟淮屯盱眙招掠流民衆至七萬分置守宰質實勸課農桑遣使詣建康罪狀殷浩并自陳謝

盱眙縣名注見秦二世二年建康郡名注見漢獻帝興平二年金陵淮水名注見漢後主建興二年

以謝尚都督江西淮南軍事

鎮歷陽

涼州廢其主曜靈立張祚為涼公考異

按名號例曰潛稱帝者曰主據

分注曜靈稱涼州刺史西平公此當書曰涼州廢其刺史曜靈書主乃傳誤矣

涼州刺史趙長等以時難未夷宜立長君乃廢曜靈而立祚祚既得志恣為淫虐殺重華妃裴氏及謝艾

燕以慕容霸守常山

慕容恪屢薦霸有命世之質實
常山郡名注見漢才宜總大任故燕王用之
光武建武九年

甲寅十年

秦皇始四燕元璽三年涼王張祚和平元年

春正月張祚自稱涼王

祚自稱涼王改元置百官郊祀天地尚書馬岌切諫坐免官郎中丁琪復諫曰自武公以來世守臣節抱忠履謙故能以一州之衆抗舉世之虜師徒歲起民不告疲今而自尊則中外離心安能以一隅之地拒天下之彊敵乎

質實

武公謂張軌也愍帝建興二年張軌卒諡曰武穆

殷浩以罪免為庶人徙信安以王述為揚州刺史

浩連年北伐師徒屢敗糧械都盡桓溫因朝野之怨上疏請廢之朝廷不得已免浩為庶人徙之信安自此內外大權一歸於溫矣浩少與溫齊名而心競不相下溫嘗輕之浩既廢黜雖愁怨不形辭色常書空作咄咄怪事字久之溫謂掾郝超曰浩有德有言嚮為令僕足以儀型百揆朝廷用違其才耳將以浩為尚書令以書告之浩欣然許焉將答書慮有繆誤開閉者十數竟達空函溫大怒由是遂絕卒於徙所

集覽

書空作咄咄惟事字世說殷浩被廢終日常畫書張空作字揚州吏人尋議逐之竊視唯作咄

咄恠事四字而已按咄咄驚恠聲增韻注咄咄容嗟語也范雲至殿門不得入但云咄咄亦此意杜甫對雪

詩愁坐正書空喜晴詩咄咄空谷嗟皆援此耳質實一統志云信安本秦會稽郡大末縣地名東漢

置新安縣晉改曰信安屬東陽郡隋初屬婺州唐初置衢川治此歲通中始改西安宋元仍舊本朝因之

為衢州府治所仍屬焉

書法

庾翼褚裒皆北伐無成者也綱目無責焉浩則曷為以罪書龔姚襄以取敗浩之罪也故

雖桓溫疏請不書

發明

殷浩之廢不出於朝廷而出於桓溫何不以桓溫奏免殷浩書之浩率意自用連年喪師

溫因朝野之怨疏請廢之秦雖在溫而罪則在浩故但書浩以罪免而不及溫若曰浩非有能免之者浩自以罪免也既曰罪矣則溫雖不請庸可已乎

二月桓溫帥師伐秦

溫統步騎四萬發江陵水軍自襄陽入均口至南鄉步兵自淅川趣武關命司馬勲出子午道以伐秦

集覽

均口均水之口在均州漢地志丹水東流折入均水南鄉漢南鄉郡晉改順陽郡後魏復為南

鄉屬荊州鄉音向淅川後魏以南鄉郡分置淅川縣隋置淅陽郡浙音先的反字從手非武關注見周赧

王四年子午道注見

正誤

南鄉今按

質實

一統志云

漢後主建興六年均水在襄陽府均州前漢地理志丹水東流入均水南鄉古地名一名沙堰東漢置南鄉縣屬南陽郡晉屬順陽郡

隋浙州治此後廢之故城在南陽府南陽縣一百里浙陽郡注見漢帝玄更始元年析

書法

嘗書桓溫帥師伐漢矣於是復書桓溫帥師伐秦罪專也故後雖一書其功而專行之罪

則不可以功掩所以示臣子之大義也

姚襄叛降於燕○夏四月桓溫大敗秦兵于藍田進軍灞上三輔皆降

桓溫別將攻上洛復秦荊州刺史郭敬進擊青泥破之秦主健遣太子萇等帥衆五萬拒溫戰于藍田秦兵大敗溫轉戰而前進至灞上萇等退屯城南健與老弱六千固守長安小城悉發精兵三萬遣大司馬雷弱兒等與萇合以拒溫三輔郡縣皆來降溫撫諭居民使安堵復業民爭持牛酒迎勞男女夾路觀之

耆老有垂泣者曰不圖今日復覩官軍

集覽

藍田注見周赧王三年

質實

上洛縣名注見

元帝太興元年荊州注見漢獻帝建安十二年青泥關名注見秦二世三年峽關地名注見秦王政

二十三年
年灞水

燕以慕容恪為大司馬

燕王儁以恪為大司馬錄尚書事封太原王評為司徒封上庸王霸為吳王德為梁公暉為中山王陽鶩為司空初燕王皝奇霸之才故名之曰霸將以為世子羣臣諫而止然寵遇猶踰於世子由是儁惡之以其嘗墜馬折齒更名曰缺尋以其應識文更名曰垂遷侍中錄留臺事徙鎮龍城垂大得東北之和儁愈惡之遂**質實**上庸郡名注見周赧王十一年

五月江西流民叛降姚襄詔屯兵中堂謝尚入衛

江西流民郭敞等千餘人執陳留內史劉仕降於姚襄建康震駭以尚書周閔為中軍將軍屯中堂

謝尚自歷陽還衛質實陳留國名注見周顯王二京師固江備守十九年京師注見周顯王

二十五年

桓溫及秦兵戰不利六月師還

北海王猛少好學倜儻有大志不屑細務人皆輕之猛悠然自得隱居華陰聞溫入關披褐詣之捫虱而談當世之務旁若無人溫異之問曰吾奉天子之命將銳兵十萬為百姓除殘賊而三秦豪傑未有至者何也猛曰公不遠數千里深入敵境今長安咫尺而不度灊水百姓未知公心所以不至溫嘿然無以應

徐曰江東無卿比也乃署猛軍謀祭酒溫與秦丞相
雄等戰于白鹿原溫兵不利死者萬餘人初溫指秦
麥以為糧既而秦人悉芟麥清野以待之溫軍乏食
徙關中三千餘戶而歸欲與猛俱還猛辭不就秦太
子茂等隨溫擊之比至潼關溫軍屢敗失亡以萬數
苻雄擊司馬勲勲亦奔還漢中溫之屯灊上也順陽
太守薛珍勸溫徑進逼長安溫弗從珍以偏師獨濟
頗有所獲及溫退乃還顯言於衆自矜其勇而咎溫
之持重

集覽

披褐披通作被平聲褐被衣帶也杜甫
醉時歌被褐短窄髻如絲注褐毛褐之

衣賤者所服孟子衣褐趙岐曰以毛毳織之前書張
良傳老父衣褐顏師古曰褐制若裘今道士所服

質實

北海郡名注見漢獻帝興平二年長安縣名注見
陰縣名注見漢獻帝興平二年長安縣名注見

漢惠帝五年渭水注見秦王政二十三年一統志云
白鹿原在西安府藍田縣西五里周平王時有白鹿

遊此晉書苻離與桓冲戰於白鹿原
即此順陽郡名注見惠帝永興二年

發明

桓溫不臣綱目既著其專輒之迹矣至其有功而亦不泯其實者何也晉遷江表氣息奄奄

奄溫有經濟之才儻有英主驅而用之弔伐遺黎克復舊壤有不難者惟晉無駕馭之君故溫有跋扈之志至其經畧之功則不可掩故上書大敗秦兵進軍灞上者序其績也此書戰秦不利六月師還者諱其敗也凡此類皆以尊中國之體存正統之義此固綱目貴華賤夷之旨豈以溫故而輕重其筆哉要在觀者味而思之也

秦東海王苻雄卒

秦主健弟東海王雄卒健哭之嘔血曰天不欲吾平四海邪何奪吾元才之速也雄以佐命元勲位兼將

相權侔人主而謙恭汎愛遵奉法度故健重之常曰
元才吾之周公也子堅襲爵堅性至孝幼有志度博

學多能交結英豪呂婆樓彊彊汪姓名正誤汪
汪及畧陽梁平老皆與之善集覽彊上聲

今按彊氏有作其兩切者云氏質實元才苻雄表字
姓苻秦后彊氏當時多此姓畧陽郡名注見

懷帝永
嘉四年

秦大饑

乙卯十一年秦主苻生壽光元燕元考異當周下分注涼
璽四年○涼去年號王張玄靚太始

元春二月秦大蝗

百草無遺牛
馬相噉毛

夏秦立子生為太子

秦太子萇拒桓湓中流矢死淮南王生幼無一目性
麤暴其祖洪常戲之曰吾聞瞎兒一淚信乎生怒引
佩刀自刺出血曰此亦一淚也洪大驚鞭之生曰性
耐刀槲不堪鞭捶洪謂健曰此兒狂悖宜早除之不
然必破人家健將殺之雄曰兒長自應改何可遽爾
及長力舉千鈞手格猛獸走及奔馬擊刺騎射冠絕
一時彊后欲立少子晉王柳秦王健集覽也杜詩中
以識文有三羊五眼乃立生為太子集覽也杜詩中
原正格闕注相抱而殺之曰格

姚襄據許昌

襄所部多勸北還
襄乃進據許昌

六月秦主健卒太子生立

健勤於政事數延公卿咨講治道承趙人苛虐奢侈之後易以寬簡節儉崇儒禮士由是秦人悅之至是寢疾引太師魚遵丞相雷弱兒太傅毛貴司空王墮尚書令梁楞僕射梁安段純等受遺詔輔政謂太子生曰六夷酋帥及大臣執權者若不從汝命宜漸除之健卒生即位大赦改元羣臣奏曰未踰年而改元非禮也生怒窮推議主得段純殺之司馬公曰顧命大臣所以輔導嗣子為之羽翼也而教使剪之能無斃乎知其不忠則勿任而已矣已任大柄又從而猜之鮮有不召亂者也

秋九月秦殺其后梁氏及太傅毛貴等

中書監胡文言於秦主生曰比有星孛于大角熒惑入東井不出三年國有大喪大臣死願陛下脩德

以襁之生曰皇后與朕對臨天下可以應大喪矣毛太傅梁車騎梁僕射受遺詔輔政可以應大臣矣乃殺皇后及毛

集覽

大角注見漢成帝元延三年東井注見漢武帝元封元年

閏月涼州弑其君祚立張玄靚為涼王

涼王祚淫虐上下怨憤惡河州刺史張瓘之彊使索孚代之瓘斬孚起兵傳檄州郡廢祚復立曜靈將軍宋混合衆萬餘人以應之祚殺曜靈混聞之為之發哀軍至姑臧張瓘弟琚開門納之趙長等懼罪入閤呼張重華母馬氏立曜靈弟玄靚為主諸將攻長等殺之祚素失衆心莫肯為之鬪者遂見殺梟其首城內咸稱萬歲混琚上玄靚為大將軍西平公復稱建興四十三年時玄靚始七歲瓘至推為涼王自為都督中外諸軍事尚書**實**河州注見永和三年姑臧令以混為尚書僕射**實**縣名注見元帝建武元年

發明

廢曜靈而立祚者長史趙長諸人也及祚為淫虐國人怨憤不安其黨又從而殺之祚之

失衆如此乃以弒書何哉涼州不道曜靈初無罪惡輕於廢立故祚死反以弒君之罪加之一國之人若曰祚不足以為君而君之者涼州之人也夫既君之而又殺之是舉一州之人皆弒君之賊爾凡此類皆以誅賊亂之黨弭篡殺之漸拔本塞源之論為萬世戒也此與春秋書齊弒其君商人同意

冬十月詔謝尚鎮壽春○十一月燕慕容恪擊段龕

龕與燕主儁書抗中表之儀非其稱帝儁怒遣恪擊之

十二月秦殺其丞相雷弱兒

弱兒性剛直以僕射趙韶董榮亂政每公言於朝見之常切齒韶榮譖之於秦主生殺弱兒及其九子二十七孫於是諸羌皆有離心生雖在諒陰遊飲自若弩弓露刃以見朝臣鍾鉗鑿鑿備置左右即位未幾后妃公卿下至僕質實諒陰注見漢昭帝元平元年

丙辰

十二年

秦壽光二年燕元璽五年

春正月燕慕容恪大破段龕兵

進圍廣固質實

廣固城名注見永和七年

段龕弟羅曉勇有智謀言於龕曰慕容恪善用兵加之衆盛若聽其濟河進至城下恐雖乞降不可得也請兄固守羅帥精銳拒之於河幸而戰捷兄帥大衆繼之若其不捷不若早降猶不失為千戶侯也龕不從羅固請不已龕怒殺之恪遂引兵濟河龕帥衆拒戰恪大破之龕友辟閭蔚被創恪聞其賢遣使求之

則已死矣龔還城集覽

辟閭蔚辟閭複姓注見元帝大興元年蔚名也音尉又紆

反弗

秦殺其司空王墮

墮性剛峻董榮及侍中彊國皆以佞幸進墮疾之如讐會有天變榮國言於生曰宜以貴臣應之生乃殺墮

涼州遣使稱藩于秦

秦晉王柳遣參軍閭負梁殊使於涼張瓘見之曰我晉臣也臣無境外之交二君何以來辱負殊曰晉王與君隣藩故來修好君何怪焉瓘曰吾盡忠事晉於今六世矣若與征東通使是上違先君之志下隳士

民之節其可乎負殊曰晉室衰微久矣涼之先王北
面二趙唯知機也今大秦威德方盛涼王若欲自帝
河右則非秦之敵欲以小事大則曷若捨晉事秦長
保福祿乎璿曰中州好食言嚮者石氏使車適返而
戎騎已至吾不敢信也負殊曰張先楊初皆阻兵不
服先帝討而擒之赦其罪戾寵以爵秩固非石氏之
比也璿曰必如君言秦之威德無敵何不先取江南
天下盡為秦有征東何辱命焉負殊曰江南文身之
俗道汚先叛化隆後服主上以為江南必湏兵服河
右可以義懷故遣行人先申大好若君不達天命則
江南得延數年之命而河右恐非君之土也璿曰我
跨據三州帶甲十萬西苞蔥嶺東距大河伐人有餘
況於自守何畏於秦負殊曰貴州山河之固孰若峭
函民物之饒孰若秦雍杜洪張琚因趙氏成資有囊
括關中席卷四海之志先帝戎旗西指冰消雲散旬
月之間不覺易主主上若以貴州不服赫然奮怒控

弦百萬鼓行而西未知貴州將何以待之瓊笑曰茲事當決之於王非旬所了負殊曰涼主雖英睿風成然年在幼冲國家安危繫君一舉耳瓊懼乃以玄觀之命遣使稱藩於秦秦因玄觀所稱官爵而授之

集覽

臣無境外之交記檀弓上曰古之大夫束脩之問不出竟又郊特性曰為人臣者無外交不敢

貳君也穀梁傳隱元年襄內諸侯不正其外交聘弓鏃矢不出境場疏云古者以弓矢相聘問臣無竟外

之交故弓矢不出竟場文身質實或問信曰不食其之俗注見漢武帝建元六年質實或問信曰不食其

言注不食言者謂言既出則當信而行之所謂不食若一出言而不依其言而行則如自食其言也蔥嶺

西域山名注見漢武帝元鼎三年嶠函嶠山名注見漢獻帝建安十年函關名注見陳文帝天嘉六年

括注見漢桓帝永嘉元年括囊

以桓溫為征討大都督督諸軍討姚襄

溫請移都洛陽脩復園陵不許而詔溫討襄

書法

書以何君命也與直書帥師而削其官者異矣

發明

姚襄前此歸晉未幾為殷浩所襲故綱目專罪殷浩然為襄者盡申告于朝或能束身自

詣則晉朝亦必有以處之既不能然乃叛降于燕則是下喬入谷忘其先人遺訓者也又况招納叛民震動京邑則襄非前日之襄矣是以綱目前書其叛此書討之皆正名以定其罪襄雖欲曲辭其惡不可得也况桓溫屢駕戎車惟此書以為都督則見其出於朝命而襄之罪尤著矣狼子野心果可以純臣待之乎

夏四月秦太后彊氏以憂卒

維天好生故立君以子民其所以愛養生全之者宜無所不至也秦主生乃以殺十人為常事又謂野獸食人正天所以助朕殺之並營民命自有載籍以來莫甚於此

長安大風發屋拔木秦宮中驚擾或稱賊至宮門晝閉五日乃止秦主生推告賊者刻出其心彊太后弟平諫曰天降災異陛下當愛民事神緩刑崇德以應之乃可弭也生怒鑿其頂而殺之太后以憂恨卒生復下詔曰朕受天命君臨萬邦有何不善而謗讟之音扇滿天下殺不過十而謂之殘虐行者比肩未足為希方當峻刑極罰復如朕何自去春以來潼關之西至于長安虎狼食人羣臣請禳之生曰野獸饑則食人飽當自止何禳之有且天豈不愛民哉正以犯罪者多故助朕殺之耳

秋八月桓溫敗姚襄于伊水遂入洛陽修謁諸陵置戍

而還考異

提要修作復

質實

伊水注見漢高后三年

發明

自中原淪陷諸陵廢祀雖有忠臣義士徒能北望慨想而已今溫進軍討伐遂能入洛修

謁亦足少伸臣子之情矣
綱目詳而書之蓋予之也

姚襄北走據襄陵

初魏將周成降晉反據洛陽姚襄攻之踰月不克長史王亮諫曰今頓兵堅城之下力屈威挫或為他寇所乘此危道也襄不從桓溫自江陵北伐遣督護高武據魯陽將軍戴屯河上自帥大兵繼進與寮屬登平乘樓望中原嘆曰遂使神州陸沉百年丘墟王夷甫諸人不得不任其責記室袁宏曰運有興廢豈必諸人之過溫作色曰昔劉景升有千斤大牛噉蜀豆十倍於常牛負重致遠曾不若一羸犢魏武入荊州殺以享軍至伊水襄撤圍拒之匿精銳於水北林中遣使謂溫曰承親帥王師以來襄今奉身歸命願

欽定四庫全書

卷二十一

勅三軍小却當拜伏路左溫曰我自開復中原展敬
山陵無豫君事欲來便前何煩使人襄拒水戰敗奔
北山襄勇而愛人雖戰屢敗民知襄所在輒扶老携
幼馳而赴之溫追之不及弘農楊亮自襄所來奔溫
問襄之為人亮曰襄神明器宇孫策之儔而雄武過
之周成帥衆出降溫屯金墉謁諸陵修毀壞各置陵
令表謝尚鎮洛陽令潁川太守毛穆之等戍之徙降
民三千餘家於江漢之間襄奔平陽秦并州刺史尹
赤復以衆降襄集覽神州陸沉神州中國也注見懷
襄遂據襄陵集覽帝永嘉五年陸高平地沉溺也
神州陸沉謂中原淪沒也猶王道陵夷之義韻會注
陵夷言王道頽替若丘陵之漸平夷也左傳哀元年
伍員曰二十年之外吳其為沼乎此亦陸沉之意史
記東方朔傳陸沉於俗索隱曰司馬彪曰謂無水而
沉之是也丘墟空城也前漢息夫躬傳寄居丘亭師
古曰丘空也賈誼傳社稷為虛詩定之方中篇升彼

虛矣注虛通作墟朱氏曰故城也質實魯陽縣名注見漢獻帝初

夷甫王衍字景升三國劉表字
平元年北山注見漢文帝三年弘農郡名注見周顯
王四十五年金墉城名注見魏元帝咸熙二年顏川
郡名注見秦二世三年平陽郡名注見周威烈
王二十三年襄陵縣名注見周顯王十七年

書法

修陵必書重山陵也終綱目書
修陵五詳漢獻帝初平元年

冬十月朔日食○十一月段龕降燕慕容恪悉定齊地

燕諸將請急攻廣固恪曰用兵之勢有宜緩者有宜
急者若彼我勢敵外有彊援恐有腹背之患則攻之
不可不急若我彊彼弱無援於外當羈縻守之以待
其斃兵法十圍五攻正謂此也龕兵尚衆未有離心
今憑阻堅城上下戮力我盡銳攻之計數旬可拔然
殺吾士卒必多矣自有事中原兵不暫息吾每念之

夜而忘寐奈何輕用其死乎要在取之不必求功之速也軍中聞之人人感悅於是為高牆深塹以守之龕嬰城自守樵采路絕城中人相食龕面縛出降恪撫安新民悉定齊地龕竟為偶所殺并坑其從三千人

集覽

十圍五攻孫子兵法曰十則圍之五則攻之謂以衆擊寡也多十倍者可以圍敵多五倍

者可以
攻擊

遣司空車灌如洛陽修五陵

詔遣灌等持節如洛陽修五陵帝及羣臣皆服總臨於太極殿三日

丁巳升平元年

秦主苻堅永興元年

考異提要分注作
秦世祖堅

春正月

朔帝冠太后歸政徙居崇德宮

書法

徙辭有二徙太后某宮者逆辭也太後徙某宮者善辭也終綱目書太后徙居二太后遷

居一太后歸某宮一太后居某宮一皆善辭也詳漢昭帝元平元年

○燕以乙逸為左光祿大夫

逸自幽州刺史被徵夫婦共載鹿車子璋從數十騎服飾甚麗奉迎於道逸大怒閉車不與言到城深責之璋猶不悛逸常憂其敗而璋更被擢任歷中書令御史中丞逸乃歎曰吾少自脩立克已守道僅能免罪璋不治節儉專為奢縱而更居清顯

質實

幽州注見唐高

祖武德四年鹿車如淳曰鹿車者謂車之狹小僅容一鹿或以人推之故曰鹿車

二月太白入東井

秦有司奏太白罰星東井秦分必有暴兵起京
師秦主生曰太白入井自為渴耳何足怪乎
集覽

太白罰星東井秦分天官書察日行以處位太白日
庚辛主殺殺失者罰出太白東井雍州星也漢天文
志太白西方秋金義也言也人主義虧言失逆秋令
傷金氣罰見太白孫炎注爾雅云太白晨出東方高
三丈命曰啟明昏見西方高三舍命曰長庚詩大東
篇東有啟明西有長庚朱氏曰啟明長庚皆金星也
以其先日而出故謂之啟明以其後日而入故謂之
長庚蓋金水二星常附日行而或先或後但金大水
小故獨以金星為言也太史公曰秦之彊也候在太
白正義曰東井八星秦之分野太白西方之星故秦
占候也又太白經天注見唐高祖武
德九年東井注見漢武帝元封元年

夏四月姚襄據黃落秦遣兵擊斬之弟萇以衆降秦

襄將圖關中進屯杏城羌胡及秦民歸之者五萬餘
戶遂據黃落秦道廣平王黃眉東海王堅將軍鄧羌
禦之襄堅壁不戰羌謂黃眉曰襄為桓溫所敗銳氣
喪矣然其為人彊狠若鼓譟揚旗直壓其壘彼必忿
恚而出可一戰擒也乃帥騎三千壓其壘門而陳襄
怒出戰羌陽敗走襄追至三原羌迴騎擊之黃眉等
以大衆繼至襄兵大敗擒而斬之弟萇帥其衆降秦
以公禮葬襄黃眉等還長安生不之賞數衆辱之黃
眉怒謀弑生質實杏城鎮名注見漢獻帝建安十七
發覺伏誅生質實杏城鎮地名注見漢獻帝建安十七
年黃落地名未詳處所廣平郡名
注見漢武帝元封四年鼓譟誼呼貌
三原縣名注見唐代宗廣德元年

六月秦苻堅弑其君生自立為天王

生夢大魚食蒲又長安謠曰東海大魚化為龍男皆
為王女為公生乃誅魚遵及其子孫自以眇目諱言

殘缺偏隻少無不具之類誤犯而死者不可勝數剥人面皮使之歌舞以為樂羣臣得保一日如度十年東海王堅素有時譽與故姚襄參軍薛讚權翼善讚翼密說堅宜早為計勿使他姓得之堅以問尚書呂婆樓婆樓曰僕刀環上人耳不足以辦大事僕里舍有王猛者其人謀畧不世出宜請而咨之堅因婆樓以招猛一見如舊友語及時事堅大悅自謂如玄德之遇孔明也會太史令康權言於生曰昨夜三月並出孛星入太微連東井自去月上旬沉陰不雨以至于今將有下人謀上之禍生怒以為妖言撲殺之夜對侍婢言曰阿法兄弟亦不可信明當除之婢以告堅及堅兄清河王法法與梁平老帥壯士潛入雲龍門堅與呂婆樓帥麾下繼進宿衛將士皆舍仗歸堅生猶醉寐堅兵殺之堅以位讓法法曰汝嫡嗣且賢宜立堅乃去帝號稱大秦天王誅生倖臣董榮趙韶等三十餘人大赦改元立子宏為太子法為丞相弟

融為陽平公。子丕為長樂公。李威為左僕射。呂婆樓為司隸校尉。王猛為中書侍郎。又以權翼為黃門侍郎。薛讚為中書侍郎。與猛並掌機密。融好文學。明辯過人。耳聞則誦。目過不忘。力敵百夫。善騎射。擊刺少。有令譽。堅愛重之。常與共議國事。融經綜內外。刑政脩明。薦才揚滯。補益弘多。丕亦有文武才幹。治民斷獄。皆亞於融。威荀太后之姑子也。生屢欲殺堅。賴威營救得免。威知王猛之賢。常勸堅以國事。任之堅謂猛曰。李公知君猶鮑叔牙。**集覽**。李星入太微。春秋文之。知管仲也。猛以兄事之。十四年有星李入于北斗。注李音佩嵇康音勃。海宇韻會注李或作弗。穀梁傳曰。宇之為言猶弟也。范甯解云。劉何曰。弟星亂臣之類。言邪亂之臣將並弑其君也。又有星亭于注見漢武帝元封元年。太微注見漢景帝後三年。撲殺投擲而擊殺之。**質實**。陽平郡名。注見孝武帝太元九年。撲弼角反。

信都李公
謂李威也

發明

以生之狂悖不道猶以弑書何哉商辛暴虐微子比干皆其庶兄非無賢德然而寧忍於

絕祀竟不敢取而代之者守君臣之定分安義命之常理也苻堅夷狄固不足以責此然綱常所在未始以夷狄而遂泯綱目正名定罪歸獄於堅所以杜弑殺之禍嚴萬世之防也其慮深矣

秋七月秦冀州牧張平降

平故趙將據新興鴈門西河太原上郡之地壁壘三百餘夷夏十餘萬戶初降燕又降秦至是來降欲以中質實新興郡名注見秦王政三年西河郡名注見立自固周威烈王二十三年太原郡名注見齊明帝建武三年上黨郡名注見周赧王五十三年上郡注見秦王

政三年

八月立皇后何氏

故散騎侍郎準之女集覽禮如咸康成帝咸康二年也禮如咸康而不賀集覽立皇后杜氏帝臨軒遣使備六禮實實何準潛人逆之元之弟

冬十一月燕徙都鄴

燕主偽夢趙主虎嚙其臂乃發虎墓求屍不獲購以百金得於東明觀下僵而不腐偽數其殘暴之罪而鞭之投於漳水

秦王堅殺其兄東海公法

秦太后苟氏遊宣明臺見東海公法之第門車馬輻
湊恐終不利於秦王堅乃與李威謀賜法死堅與法
訣於東堂慟哭嘔血封其子質實輻湊注見漢文帝
陽為東海公數為清河公質實五年清河縣名注
見漢安帝建元元年甘陵

書法

殺法者苟太后李威也堅乃慟哭與訣於其
首書堅何誅心也不書堅殺則挾詐者得以

欺世
矣

發明

當堅行弒之時固嘗以位遜法法辭而不取
今乃恐其不利於已而殺之何哉且法既能

辭其可取於位號未定之初豈復垂涎位號於已
辭既定之後此則理之曉然者然法之死本出於
太后苟氏之意今但歸惡於堅何邪堅為一國之
主大權在手苟知法不當死豈不能保而全之乃

使之無辜受戮則是堅知而殺之也尚誰咎哉堅在五胡誠為白眉然弑君殺兄首書于冊其本已不正矣他時雖欲克終尚可得乎

秦以王猛為尚書左丞

秦王堅行至尚書以文案不治免左丞程卓官以王猛代之舉異才修廢職課農桑恤困窮禮百神立學校旌節義繼絕世秦民大悅

燕作銅雀臺質實

銅雀臺注見懷帝永嘉六年

○以王彪之為左僕

射

戊午二年

秦永興二年
光壽二年

春正月秦王堅擊張平降之

秦王堅自將擊平以鄧羌為前鋒軍于汾上平使養子蚝禦之蚝多力趨捷能曳牛却走超越高城堅募人生致之鄧羌禽之以獻平衆大潰乃降拜右將軍以蚝為虎賁中郎將常置左右秦王稱羌蚝皆萬人敵

集覽

蚝七吏反趨捷趨丘妖反說文善緣木走之才謂捷疾也廣韻注善走也

質實

汾上

注見漢獻帝建安七年汾水

秋七月以謝萬監司豫等州軍事

會稽王昱欲以桓溫弟雲為豫州刺史僕射王彪之曰溫居上流已割天下之半其弟復處西藩兵權萃於一門非深根固蒂之宜也昱乃更以謝萬代之王羲之與溫牋曰謝萬才流經通使主廊廟固是後來之秀今以之俯順荒餘則違才易務矣又遺萬書曰以君邁往不屑之韻而俯同羣辟誠難為意也然所

謂通識正當隨事行藏耳。願君每與士卒
集覽 羣辟

之下者同甘共苦則盡善矣。萬不能用
百辟也。書周官六服
實實 謝萬陽夏
羣辟注辟必亦反
人安之弟

秦大旱

秦王堅減膳徹樂命后妃以下悉去羅
紈開山澤之利息兵養民旱不為災

秦殺其特進樊世

王猛日親幸用事勲舊多疾之樊世本氐豪佐秦主
健定關中謂猛曰吾輩耕之君食之邪猛曰非徒使
君耕之又將使君炊之世大怒曰要當懸汝頭於長
安城門不然吾不處世猛以白堅堅曰必殺此老氐
然後百寮可肅會世入言事與猛爭論於堅前
世欲起擊猛堅怒斬之於是羣臣見猛皆屏息
集覽

屏息屏必郢反蔽也息者氣息息從鼻出者也顏師古曰屏藏其氣息言懼甚也

書法

書殺何甚秦也樊世之死世稱任賢不貳者或取焉綱目以殺書之所以存勲舊也

燕擊張平平復降燕○冬燕陷河南

泰山太守諸葛攸攻燕東郡入武陽燕王偽遣大司馬恪擊之攸敗走還泰山恪遂渡河畧地分置守宰偽欲遂經營秦晉令州郡校實見丁戶留一丁餘悉發為兵欲使步卒滿一百五十萬期來春大集洛陽劉貴上書極陳百姓凋弊發兵非法必致土崩之變偽善之乃更令三五發兵以來冬集鄴時燕調發繁數官司各遣使者道路旁午郡縣苦之太尉封奕奏請非軍期嚴急不得遣使自餘賦發皆責成州郡從之

集覽

見丁謂見在民丁也所謂丁者人壽百年為期一幹十年則丁當四十彊壯之時故曰丁

也又注見孝武帝太元十四年全丁半丁使者道路旁下索隱曰言使者之多也鄭玄曰一縱一橫謂之旁午漢霍光傳使者旁午質實泰山郡名注見秦始顏師古曰旁午分布也

見漢光武建武八年武陽縣名注見漢獻帝初平二年

荀美伐燕不克而還以郗曇督徐兗軍事考異軍上漏

燕泰山太守賈堅屯山茌美引兵擊之堅所將纔七百餘人美兵十倍堅歎曰吾自結髮志立功名而每值窮阨豈非命邪與其屈辱而生不若守節而死乃開門直出美兵四集禽之遂拔山茌美謂堅曰君父祖世為晉臣奈何背本不降堅曰晉自棄中華非吾叛也民既無主彊則託命既已事人安可改節吾束脩自立涉趙歷燕未嘗易志君何恩恩相謂降乎美怒執置雨中數日憤惋而卒燕青州刺史慕容塵遣

司馬悅明救泰山美兵大敗燕復取山荏燕主以堅
子活為任城太守美疾篤徵還以郝曇督徐兗軍鎮

下集覽山荏縣名即今東昌府荏平縣荏山在縣東
邳北荏士之反字或作荏漢地理志泰山郡有

荏縣顏師古曰荏仕疑反或作淄東海為荏侯國東
脩自立謂自檢束脩飾而立身也漢延篤傳吾自束

脩以來注束脩謂束帶脩飾鄭玄言論語曰謂年十
五以上也又伏湛傳自行束脩訖無毀玷郝曇姓名

也案史炤通鑑釋文於漢獻帝時郝應注郝綺戟反
於晉元帝時郝鑒注郝丑之反有此差異未詳唯大

宋重脩廣韻六脂內收此字質實一統志云山荏秦
注郝姓出高平此為可據之縣名屬東郡郡漢

改為荏平縣治荏山之平地曰荏故以名縣東漢屬
濟北國三國魏屬平原郡晉徙治聊城縣界興利鎮

北齊廢入聊城唐復置尋省之金時劉豫復置元仍
舊本朝因之屬東昌府任城郡名注見漢明帝永平

十三年

燕使慕容垂守遼東

燕吳王垂娶段末柢女生子令寶段氏才高性烈自以貴姓不尊事可足渾后后街之中常侍涅浩希旨

告段氏為巫蠱欲以連汚垂收下廷尉考驗終無撓辭故垂得免禍而段氏竟死獄中出垂為平州刺史

鎮遼東垂以段氏女弟為繼室可足渾后集覽可足黜之以其妹妻垂垂不悅由是益惡之

北三字姓前燕後燕之望實實平州注見秦王政三姓也可音榼渾胡昆反

注同上年

己未三年
秦甘露元年
燕光壽三年
春二月燕主宴羣臣于蒲池

初燕太子暉早死立其弟暉至是燕主僞宴羣臣語及周太子晉潛然流涕曰才子難得自景先之亡吾鬚髮中白卿等謂景先何如司徒長史李績對曰獻懷太子至孝聰敏沈毅疾諛好學多藝謙恭好施僞曰卿譽之雖過然此兒在吾死無憂矣景茂何如時太子暉侍側績曰皇太子天資岐嶷然好遊畋而樂絲竹此其所以為損也僞顧謂暉曰伯陽

集覽

周太

之言藥石之惠也汝宜誠之暉甚不平

周靈王太子名晉字子喬故曰王子晉或曰王子喬道士浮丘公接而上嵩高山遂乘白鶴得仙而去潛然流涕詩大東篇潛然出涕注潛涕下貌音所姦反說文云潛涕流貌音山晏反涕音體景先太子暉之字岐嶷詩生民篇克岐克嶷注岐知意也嶷識也箋云岐岐然意有所知也其貌嶷嶷然有所識別也岐其宜反嶷魚極反文公**質實**蒲池未詳處所景茂太集傳曰岐嶷峻茂之狀

字

涼宋混誅張瓘

張瓘猜忌苛虐專以愛憎為賞罰郎中殷郇諫之瓘曰虎生三日自能食肉不須人教也由是人情不附宋混性忠鯁瓘憚之欲殺混因廢涼王玄靚而代之混帥壯士奄入南城宣告諸營曰張瓘謀逆被太后令誅之瓘出戰不勝與弟琚皆自殺混輔政請玄靚去王號復稱涼州牧

秦以王猛為京兆尹

秦王堅以鄧羌為御史中丞王猛領京兆尹彊太后弟德酖酒豪橫掠人財貨子女猛下車收德奏未及報已陳屍於市堅馳使赦之不及與羌同志疾惡糾案無所顧忌數旬之間權豪貴戚殺戮刑免者二十

餘人朝廷震栗姦猾屏氣路不拾遺

實實

京兆郡名注見漢武

帝太初元年

泰山太守諸葛攸伐燕敗績冬十月謝萬郝曇復伐之

曇病引還萬衆潰免為庶人

攸將水陸二萬擊燕入自石門屯于河渚燕上庸王評帥步騎五萬與戰東阿攸兵大敗詔萬曇復伐之萬矜豪傲物但以笑詠自高未嘗撫衆兄安深憂之謂萬曰汝為元帥宜數接對諸將以悅其心豈有傲誕如此而能濟事也萬乃召集諸將一無所言直以如意指四坐云諸將皆勁卒諸將益恨之安慮萬不免乃自隊帥以下無不親造厚相親託既而萬帥衆入渦潁以援洛陽曇以病退屯彭城萬以為燕兵大

盛故曇退即引兵還衆遂驚潰萬狼狽單歸軍士欲
圖之以安故止詔廢為庶人降曇號建武將軍於是
許昌潁川譙沛諸

集覽

東阿注見周赧王六年以如
意指如意之為用執之所以

城相次皆沒於燕
供指麾今三清殿道君所執其遺象也三國吳大帝
時金陵有掘地得白玉如意長二尺六寸其所執處
皆刻螭蟬等形大帝以問胡綜綜曰昔秦始皇東遊
以金陵有王氣埋寶物以當之此抑是乎晉石崇與
王愷爭豪愷有珊瑚樹高二尺許以示崇崇便以鐵
如意擊碎之又石崇本事曰崇有珊瑚如意長二尺
二寸隊帥部隊將帥也按漢書隊字顏師古注音遂
渦潁渦注見漢後主建興三年潁注見漢成帝綏和
二寶實石門山名在兗州府平陽縣西二十五里山
年寶實上有石門東西相向可通人行彭城郡名注
見秦始皇
二十八年

十二月大旱○秦以王猛兼司隸校尉

秦王堅以猛為輔國將軍司隸校尉居中宿衛僕射
詹事侍中中書令領選如故猛薦陽平公融光祿任

羣處士朱彤自代堅不許而以融為中書監羣為太

子家令彤為太子庶子猛時年三十六歲中五遷權

傾內外人有毀之者堅輒質實司隸校尉注見漢元
罪之於是羣臣不敢復言帝永光元年處士注

見周振

王元年

御批資治通鑑綱目卷二十